

~~72298~~

11

2801169

38

89204

卷之十二

藝文志

詩文 國朝

計九十五頁

新嘉坡縣志



仁壽縣志卷十二

藝文志

國朝詩文

周文昭  
吳省三

林春華

李含芳

劉錫申

楊應達

陳文衡

辜炳恒

黃牟

鄭彬倫

陳部翁

金伯綸

夏簡

劉敬修

劉天祿

周文昭

周文昭撰馬芸薌公墓誌銘馬氏公姓諱祖書號芸薌

漢伏波將軍四十五代孫先世乾隆初再斯公由楚南

新化入蜀轉遷仁壽東林汪場父宗元母氏劉故繼賴

生公端肅不苟言笑獨好書晚學歸父母以幼零丁又

仁壽縣志

卷十二

藝文志

一

日病促早睡潛起讀雞鳴挾策館門候有星月光讀自

如皆塾師未嘗訓課書十六歲罷窮無以奉養故遂治

生父罷屠日酒肉樂母痰患夜負於床十餘年敬愛無

間家稍饒從不打算人本分利故不無名用族就衰察

堂弟姪輩三五予生計本折卒不起叔晚景苦舊故逼

售其田小累均存恤如初甚寒衣節米肉或寄食數年

不去去還來半死亡無葬處割地一區曰馬氏新塋道

光初父母相繼故葬樂嘉地另覓吉祖塋吉族幾破塚

葬力持不可砌石臺或作踐繞以垣統墳費鉅不計舊



有祠田典祀幾廢道隔總持二十年諸頓興嘗嬾出歲  
秋祭風雨必至場禹廟市斗數多事公曰公利也而私  
之害若歸公害去利未無人曰公道識大體卒不行佃  
某媳病死外氏如奇貨公曰是關風化稟而寢鄉某弟  
兄爭田訟公曰徒飽胥役兩參商和解之戚某母子爲  
難人曰非公不能了卒了處皆性真感動事委曲亦不  
聞於人自爲乃善自下街某某醉無故登門罵公均避  
之旣醒先後來謝罪鄉隣某侵疆土數十尺故有挾公  
曰爭之訟矣不如讓數坐人害公曰若但耗吾財耳越

仁壽縣志

卷十二

藝文志

二

使人陰行善隣境路人斃某誣陷官廉之移怒差某誣  
者誰不言但言差某德少客舅氏家有年垂老猶殷殷  
送米肉去嘗活人大姓某田廬兩大分一析七欲賣不  
償當又一故畱賣且零皆不合富家買意坐餓死枕籍  
中某有舊日於門索酒飯公曰汝無死法收其一生活  
十數年餓死者數日不能葬助之費又嘗當其一大分  
或買不贖曰佃耕耳又不租納追立鬻如此十餘年又  
佃某他去夜夜負田穀俱納不足均處之厚有餘曰佃  
吾餐飯碗不當校况無聊鄉義舉無不在獨育嬰無人



行櫃崖炭路四十里泥滑修不果深爲憾事生平自奉  
約奕無敵晚年文史消閒夜杯酒嘗曰我三代不淫人  
妻女不告人狀不作害人事甯喫虧妻氏劉故生子福  
陞卽凡若邑孝廉慶符儒學女一適王繼李生子福魁  
卽光先監生福順卽葑若從九福恩卽惕若從九福恆  
卽欽若邑庠福煜卽蔚若聖廟典籍福善卽咸若從九  
女一適蔡以道光庚戌年三月二十一日卒距生於乾  
隆癸丑年正月初一日享壽五十有八遺囑兒曹幸自  
樹立作人作事總不可壞此一心遂卒銘曰父也罷屠  
仁壽縣志

卷十二

藝文志

三

兒也罷讀一帘生涯閤潭造福何不市塵涇淵峙嶽半  
日兮盲中心兮覺有虜守財有翁足穀不如散諸鄉黨  
宗族濟施已難天親骨肉視膳問安墓祠肅肅昔自涸  
魚今自刻鵠有人獸心誰家雀角世德潛然餘慶似續  
於家於鄉爲善而獨定有蘭牙碧梧翠竹遑舍與田購  
書滿屋榮名曰寶清流抑濁千里家駒其品其學晚乃  
燕閒文史遊目不耐塵勞白雲天竺嗚呼一生表表卓  
卓甯不古稀生芻一束

林春

華



林春華撰馬體仁公墓誌銘公馬氏諱宗元號體仁仁之東林汪場人爲人厚而直質蚤歲貧無禱嘗鬻田宅某宗人夜定約遲明謝公曰須減百緡竟賣族爲假墳難之公覺立鏟去宗人曰從未有磊落如馬氏者後其復興旣賣償債楚分餘錢與弟宗禹共當黎業問其錢弟曰無黎亦隨強公買皆獨當自是益窘故無怨家在街頭頗業屠一子祖書年且少曰殺生不可爲也明日公放下屠刀慨然業酒家寢富有場禹廟公經紀數十年廟有訟徒行暑汗淋漓目赤熱不濫費公所一錢於

仁壽縣志

卷十二

藝文志

四

已家事喫虧到老身修偉不苟舉止聲如洪鐘晚鬚眉皓然咸敬憚年七十卒始與繼配賴合葬樂嘉均後遷公磨子山銘曰老山嶽嶽頃波汪汪警乎生平敬止維桑一妻而續一子而讀忠厚喫虧艱難造福亦賣酒家始而屠門廼足穀翁初之鬻田禹廟未冷楚鄉誰肯花費不浪暑行獨影友愛乎昆矜憫乎隣聲之洪鐘壽之靈椿餘慶未歇公之貽厥後其昌乎嗚呼先哲 馬劉孺人墓誌銘孺人氏劉馬芸薌公淑配也性賢淑芸薌公鮮兄弟翁體仁公繼姑賴太孺人垂暮家且窘芸薌



公質孺人內襄家計紡績針線無少暇奉甘旨洗浴衣履惟謹從不討翁稱憾聲姑患老痰嗽常畏冷孺人左右扶持煎湯藥烘被薰衣如是十有餘年無厭倦意家在街頭孺人故不露面門外禮自防有隣人鑿壁尺大孔當寢處出頭欲語孺人曰鼠子不得無禮隣人慚而退以告芸薌公將聲其狀孺人曰行斥之矣且無傷隣家體面孺人慈仁常常貧苦婦女來散之錢給之衣食之飯而去去又周卹之米一升半升不等門內外皆呼之曰馬氏賢惠婁生子二女一方少小不令嬉戲嘗抱

仁壽縣志

卷十二

藝文志

五

病隱几坐立竿於旁見兒輩啼笑便竿答之長福權聰穎凝重十歲殤孺人病益劇次福陞卽凡若甫六歲女二歲以卒年二十九歲銘曰堂上之方邁兮孝思併門外之若溷兮節操挺幃內之不遑兮仁意迥膝下之可憐兮慈教猛嗚呼生前之胡促兮徽音永

李含芳

李含芳醉歌行雙龍橋下隱鯉魚登門化爲人龍居短褐穿屨樂有餘四壁家甯儋石儲案頭一卷古人書文章海潮韓和蘇詩之白也賦相如天邊詞曹星使止玉



尺量才門桃李倚馬萬言走筆耳鵬有天風鸞泮水薄  
采其芹言歸里一領青衿胡足齒童子冠軍俄秀才天  
廩依稀薄祿來清風袖兮明月懷瀛洲仙館門大開將  
梯人去還徘徊嫦娥接引到天臺桂殿月宮看不足看  
花長安要路熟行李一囊車一軸敢有遐心音金玉櫻  
桃小宴君甯獨管領霓裳羽衣曲金門獻策亦平平天  
子開顏呼門生甯必胸中幾甲兵傾倒一時人逢迎後  
來一歲三遷頻臺閣優遊盤玉京紆青拖紫世襲職人  
生得意亦以極不道看人眼翻白儒生對之無顏色富  
貴浮雲鄙夫得那曉微時一泉石少焉寶山空手還再  
呼不起寐黃泉問他這箇曰無緣噫吁何處先天天君  
不見耕莘釣渭幾何年廊廟山林都一般又不見跨鶴  
騎牛一輩仙烟霞醉倒月裏眠可笑世人只眼前不知  
潛龍何處邊 宋高宗殺岳忠武鄂王論略自古帝王  
以仁孝貽子孫繼體之君不幸陵寢板蕩至尊蒙塵亦  
必決然復仇雪恥利害不得而奪然後智勇忠義之士  
得以奮其敵愾之能而成恢復報雪之功未有不孝弟  
而利私終任大將不壞其萬里長城者也嘗讀南宋史



至鄂王中道被害功隳垂成廢卷長嘆曰忍乎哉高宗也夫鄂王之被害也或歸罪於檜萬諸奸或歸咎於高宗不明諸奸得而間之吾以爲鄂王之死高宗實欲殺之高宗深知鄂王忠勇使其一意恢復決迎二帝將卧薪嘗膽直踐北虜之穴而梟金人之頭雖檜萬千萬何從而間之彼其私心自計惟恐二聖若返於己不利是以忘親縱仇鄂王從幸燕侍一則曰恢復之事一以委卿再則曰闔外之事惟卿主之夫豈不知鄂王之足制金虜哉特用之掃平羣盜非真欲其北掃腥羶報仇雪恥不然何以曲屈議和鄂王未知其然其謝赦命梗和議已與高宗私心刺謬而一則曰恢復中原再則曰迎還二聖其所以犯高宗之忌者更深嗚呼鄂王死於此矣卽無檜萬諸奸陷誣已不能保高宗之終其用然則鄂王之死實高宗欲殺之耳伊古以來豈有不孝不弟自利自私忘親縱仇而不自壞其萬里長城者哉

劉錫  
申

劉錫申經李竹崖侍御洗墨池詩士氣由來重誰當第一流先生真老輩明代此清修經庫儲墳典星軺擁節



旂塞垣春牧馬河曲月行舟世廟宸綱墜分宜毒霧浮  
直臣摧玉樹臺席誤金甌血漬三階碧霜飛六月秋人  
情方畏虎公日實無牛棉竟彈時起刀仍笑裏抽丹心  
威莫折鏃面譽長畱石煉天難補珠遺網未收已知賢  
路閉非戀故園幽書再還山讀官因愛國休芸香雙屐  
齒墨漲一泓湫灰劫平蕪綠仙根奕葉稠吟軒尋舊址  
活水得源頭雲影重開鏡風光獨倚樓添多魚鳥意洗  
盡古今愁檻外增棋局林陰幾釣釣夕陽無限思江畔  
起羣鷗 鄧都山詩四圍晴翠擁峯巔未必冥王果在

仁壽縣志

卷十二

藝文志

八

川也有人烟居鬼國可能罪案仗神錢民風樸拙多求  
福我念光明好對天一葉扁舟安穩坐漁歌聽到綠楊  
邊 過盧生廟詩始爲功名出征途萬里長人生原是  
夢何待熟黃梁 又 與世生豪傑皇天亦有情成仙都自  
了誰更活蒼生 起復後寄邵始虛詩少壯風塵客翻  
然切敏求詞華輕綺麗經學溯源流卦意窺諸象春陰  
惜到秋守身如有失爭理肯容休妙悟由心得神光向  
裏收道從三教入註讓百家畱憶昔羈曹職多情繫遠  
遊書頻傳雁足字盡寫蠅頭勸勉王曾志咨嗟季子裘



連年勞請粟萬里使忘憂我抱終天恨君爲聚首謀何  
期歸信失未許素心酬作嫁人如故譚元事不侔有懷  
添客夢無計解離愁宛轉新花徑峻嶒舊雨樓何時重  
剪燭細細證藏修 贈內江徐約之明府詩洵美今城  
北來遊古瀼東髫年觀射鴨壯志薄雕蟲宦海無邊濶  
仙槎少路通抽毫曾入幕攜劔又從戎贊府頭銜換參  
軍檄草工分符加墨綬唱凱卸瑀弓莫訝鳧飛鳥爭看  
鳳集桐江城馳竹馬冰案挂晶籠製錦才無匹鳴絃曲  
未終野狐潛境外馴雉在桑中感念前春歉咨嗟億兆

仁壽縣志

卷十二

藝文志

九

窮轉溝蘇餓葶噉澤起哀鴻事藉黔敖助人歌召伯功  
兩歧徵麥秀萬井叶幽風陳榻經年煖潘花滿縣紅馮  
驩爲食客何以佐文翁 哭鍾文藻茂才詩聞道良朋  
喪當筵失七驚此音疑未確之子係非輕立志忘溫飽  
承歡少弟兄亦知心不了其奈數難爭自昔游庠序同  
儕慕俊英語言真浩瀚頭角實崢嶸弱體疴連歲歡容  
話再生夜深猶秉燭酒煖不辭醒共說精神爽從看福  
祿亨誰知燈欲滅轉使焰逾明善惡災祥混泥沙黑白  
并青松忽摧折蔓草尚葱青未必天公曉休將物理評



空憐朝夢短致負晚霞晴腹笥埋幽士文光繞畫楹流  
螢書案冷遺稿小齋盈花落春無味雲開月已傾吟魂  
何處是腸斷子規聲 五十自壽詩少壯蹉跎久浮生  
暗自憐前程猶黑漆曉鏡已華顛服政人何早無聞我  
似前衰從今日始非悟應時偏驥老仍羈櫪鱗潛總在  
淵余心殊不爾世事豈其然蔗是臨根美松因抱節堅  
英雄期末路清爽愛秋天男女分三索夫妻合百年功  
名雖草草景福或綿綿糜祿深慚鶴吟風但慕蟬長生  
甯可學無累已如仙 老儒詩不信儒冠誤書叢老是

仁壽縣志

卷十二

藝文志

十

翁希賢甘刻鵠摘藻薄雕蟲舊典心如醉新聞耳故聾  
頭銜聊自署鄉飲大冬烘 老臣詩扶掖趨雙闕摩挲  
下九重君心憐老朽人意薄衰庸曠曠渾無識休休廓  
有容偶逢裁大事未便笑龍鍾 老兵詩百戰餘生在  
顏衰氣未降戟憐垂暮執鼎憶壯年扛已斷封侯夢猶  
嫺唱凱腔迴思舊同列大半擁旌幢 老將詩矍鑠歸  
朝日春花滿塞時公侯新第宅藩鎮舊偏裨麟閣懸圖  
像鴈班奉羽儀太平無事事娛老但吟詩 老農詩汗  
淨成枯槁科頭白髮稀扶行新竹杖挂壁舊蓑衣節候



占晴雨鄉情厭是非兒孫收晚稻徙倚立柴扉 老圃  
詩皓首業園蔬徐行出敝廬韭花疑雪壓瓜蔓倩風梳  
牙蛀根難齧腰駝草便除聽他兒輩懶帶月自揮鋤

老漁詩漁翁撐小艇撒網遍江湖隨處鮮能食怡情酒  
便沾夕陽千樹蓼明月一灣蘆不涉中流險風波到岸  
無 老賈詩握算徒添壽通衢久寄栖人聲趨食鶩自  
笑觸藩羝錢固多多善神何逐逐迷沾哉吾待價老運  
聽高低 老僧詩坐得蒲團破禪心淨似指石橋飛錫  
杖古壁挂芒鞋福薄難成佛身拳尙打齋蓮花開尺宅

仁壽縣志

卷十一

藝文志

十一

涼月正侵階 老道詩綠髮蒼藤古黃冠採藥回鶴迷  
青靄樹人在白雲隈芝秀香風起松花細雨來殘棋收  
未竟有夢到蓬萊 老吏詩久厭頭銜俗頻年志未伸  
名場經琢鍊老面耐風塵明察慚新進廉平愛古人論  
詩如斷獄筆下有餘春 老妓詩柳絮落紛紛青樓望  
夕曛濃情懷舊雨斷夢寄朝雲薄命花三月紅顏酒半  
醺琵琶如再抱羞著石榴裙 老僕詩蹙蹙難供役摩  
挲尙掃門豪華拋斷夢豢養戀深恩早覺精神憊空餘  
慙直存主人畱汝在照看小兒孫 老婢詩顛倒供巾



櫛湘簾隔霧看性情諳喜怒襍被識暄寒未解泥中語  
猶司爨下餐焦桐渾不惜一律竟燒殘 老醫詩二豎  
擾塵寰扶衰爲出山折肱憐我屢苦口進人艱可冀沉  
疴起其如護疾頑金丹應自服携杖返柴關 古鏡詩  
舊鏡磨新垢清光尙宛然能開生面目曾照古蟬娟鬢  
髮時添雪芙蓉久化煙爾心常有我相對悟前緣 古  
琴詩綠綺封塵垢元音久寂寥彼聰聾鄭衛此腹飽鈞  
韶古樂情誰契新絃手自調一彈涼月滿萬籟夜蕭蕭  
古硯詩老硯從何得鐫銘篆未消土花干點剝墨黝

仁壽縣志

卷十二

藝文志

七

一池均玉潤松煙試銅聲竹管敲秋風撼櫺戶著水欲  
騰蛟 古劍詩寶劍沉淪久霜鋒幾斷鼉煙騰風雨至  
夜嘯鬼神號秋水磨三尺寒燈讀六韜雞鳴常起舞望  
爾伴旌旄 古鐘詩廟破鐘猶在高懸歲幾何古銘蟠  
篆籀舊孔貫藤蘿霜重寒林寂音沉曉夢多山僧慵不  
撞誰與蕩禪魔 古鼎詩九牧何年貢千秋重器誇深  
紅真寶色大綠古銅花象物形多怪銘功句不華三公  
誰折足退直夕陽斜 古碑詩石髮鬱蒼蒼靈鼈草半  
藏殘文疑漢魏完字法鍾王蝸篆過新雨蟲聲促夕陽



撫摩增感慨歸路野花香 古畫詩舊畫無題識高人  
肯好名江邨紅樹晚石磴白雲生幽壑松風起遙山雪  
界明林泉今世有我欲跨驢行 古廟詩古廟佛無靈  
晨鐘偶一聽空庭遺虎跡枯樹有蛇腥野筍穿牆綠山  
蘿挂戶青遊僧覓栖止燐火正熒熒 古渡詩官道臨  
隄斷江波一望激慈航今可渡彼岸古來登漁火初明  
滅人聲正沸騰桃源尋舊路好待日東昇 古松詩巖  
霜凋百卉鬱鬱古松畱挺幹寒棲鶴拳枝老化虬濤聲  
千樹雪蓋影一天秋只有梅堪友花開已白頭 古柏

仁壽縣志

卷十一

藝文志

三

詩翠柏凌霄直亭亭自古今無顏門春色本質抱冬心  
麝老新香窟烏棲舊茂林霜鐘敲落木遠黛正森森  
古槐詩枯槐春復茁張幄蔭書龕成市經傳六趨朝位  
列三綠垂人面北黃綻日當南舉子忙花日優遊我抱  
慚 古塏詩塏頂空諸界林梢露一尖曇花悲舍利鈴  
語誦迎嚴薜荔蟠蛟舞莓苔繡鐵粘松陰籠古刹法雨  
正廉纖 古井詩邑廢猶存井侵欄草不及源頭追往  
昔世味聽酸鹹地脈雙虹飲天光一鏡銜相如多渴病  
曾爲滌塵凡 除夕送窮詩今夕當送窮窮今往何處



隨我五十年何忍麾之去 題向滙川淮司馬臨崖勒  
馬圖詩崖前無復路彎環境自崎嶇態自閒立馬應思  
來處好白雲黃葉半秋山 雋士弟來京話家事志感  
詩十載離故鄉常懷親昆仲有弟突如來喜極翻疑夢  
北方春較遲萬里關河凍旅費亦不貲豈有仙風送聞  
弟近年狀嗷嗷食指眾恃此硯田租安能免屢空兩弟  
長在家鎮日枕酒甕茅屋將傾圯不能支一棟寡婦乏  
主持姪輩尤曹曹罔知稼穡艱田宅等戲弄饑寒雖拙  
謀言之可心痛 又 六載坐寒氈苜蓿和羹湯頰白復喪

仁壽縣志

卷十二

藝文志

古

予不時淚沾裳清貧已難耐况復景悲涼今歲歷俸滿  
請假暫還鄉一省先靈墓掃地陳壺觴稽首涕泣橫呼  
我親爺娘驚醒泉下人欣然格馨香悲哉遠遊子憶此  
摧肝腸 聽蟋蟀詩卧聽秋聲未有聲牆邊聒耳到三  
更苦吟或亦爲身累得意何妨偶自鳴木榻夢迴燈黯  
淡花籬露冷月淒清牢愁也合逢知己替我牕前訴不  
平 題鄭濯亭人康明府桃源圖小照詩雙鳧月下破  
雲飛小別花封詣紫微考績有才膺上上捫心無想入  
非非三山累重鼇難戴廿載官貧馬不肥仕倦已成騎



虎勢幾人容易賦來歸 讀譚康侯聽雲樓詩集詩蜀  
人祇解巴渝舞那識吟壇有詩虎憑高一嘯生長風秋  
葉紛紛下如雨詩虎者誰譚康侯詩瓢高挂聽雲樓南  
海茫茫盛一鉢吞卻無數蛟龍虬腹中作鬧吐珠貝滿  
紙斑斕森寶氣義山獺祭何足言馳驟三唐追漢魏悔  
我狂吟二十年牛溲馬渤收幽燕對君珠玉成塵土金  
丹何處空茫然一盞殘燈一壺酒吟君詩句不絕口俊  
語難令老嫗知涼月娟娟窺戶牖 赴 圓明園詩車  
聲聽碎玉輪缺碾層冰斷續華胥夢迷離野寺燈雪明

仁壽縣志

卷十一

藝文志

七

山更近雲歛日初昇 宮柳仍如昨重來白髮增 月  
下聞梵有感用太白月下獨酌韻心燈照閭室四壁懸  
青天慧劍破煩城性水磨龍泉千潭印一月一月仍在  
天十年堅面壁摩師良獨賢倘能見本來人人足登仙  
枯坐入禪定有如槁木然誦破千貝葉了悟方能傳 又  
瀟灑彌勒佛米汁傾千杯長齋笑蘇晉供奉如如來我  
屢叩禪關推敲兩不開山徑鳴寒螿飄然踏月回萬法  
由性生安用外求哉千佛藏舍利寶塢生蒿萊不如空  
所空長嘯登燕臺 晨興詩倚枕驚寒柝晨興夜未央



孤燈千里夢殘月一庭霜澣濯衣冠古蕭疎鬢髮蒼壯  
年曾浪語輕易笑馮唐又曉逐英賢隊天階拾級升清  
臞千載鶴顏澹六朝僧老眼難勝霧吟鬚薄有冰一勤  
期補拙此外客何能 大風醒睡起紀夢詩半醉就高  
枕體逸神亦暢夢魂耽逸興縹緲遊海上目極海天空  
胸界亦何曠指點三神山買棹欲東放驪龍偶弄珠一  
噴千尺浪鯨鯢互咆哮島嶼隨簸盪驚寤聽風號掃我  
文字障起坐毛髮動心膽爲之壯丈夫浩然氣全以道  
義釀剔燈觀羣書取材役心匠 花朝詩去年花朝未

仁壽縣志

卷十一

藝文志

六

見花雲閒日麗無風沙今年花朝無花看數年花枝風  
折斷剪綵無香色不鮮唐花香色非自然花逢生日亦  
虛度爲花不合在幽燕故園花朝一花藪蜂聲闐耳輕  
雷吼春晴烘花花氣濃濃香醉人如醉酒回首當年醉  
花日筋舒脉緩魂魄逸呼吸花蕊沁肝脾花氣恍從毛  
孔出農歌牧笛花西東似夢非夢萬慮空新鶯百轉喚  
不起世間何者爲三公一到燕南如花樹年年春半牆  
陰住把酒笑問幾時花老樹冥冥渾不寤 苦風詩烈  
風日日驚雷吼播弄大樹如揮帚漫空糞土鮑魚腥驅



車猶作牛馬走平居不是泥塑人一到公堂成土偶此  
身察察無由知顏甲層層何所忸公退掩關效蟲蟄飛  
砂如雨打窗牖土飯塵羹不能喫療饑只飲一壺酒本  
無潔癖忽三沐山荆笑我文老醜我亦捫心爲莞然近  
日彈冠誰歇手 團河于役詩驅車南郭外藉事踏青  
行瘦比乘軒鶴歡同出谷鶯花光春氣透水影道心明  
正領幽閒味輿夫策馬征 又四面空無障飄然眼界寬  
綠楊千篠帶碧草一蒲團馬逸黃羊避人過白鹿看遲  
遲日將晚道軟走車難 又爲訪團河處西南路一條雲

仁壽縣志

卷十一

藝文志

七

容含土重風勢挾沙驕令肅千軍靜春融萬馬調 宮  
牆俄在目花柳遠塵囂 又島嶼層層護河橋曲曲通鴈  
班延 巽命虎帳衛 離宮冠劔口口露旌旗動曉風  
從容歌退食樹杪日輪紅 愁蟲雜詩入夜一聲蟬淒  
冷生衣露牆外葉蕭疎月芽茁高樹 又蟋蟀鳴花陰牆  
根穴殘瓦毋輕咄咄聲我亦吟秋者 又小園初種菊翩  
翩鬥蝴蝶霜遲尙未花已據花前葉 又露氣醉秋蠅著  
紙飛不起可有歛戢時我將酣睡矣 又絡緯鳴不已愴  
惻動心魄頑鐵鑄我腸不作悲秋客 又促織復促織支



機當及早織素與織縑莫歎紅顏老 題文姬歸漢圖  
詩鞭絲南拂雪花輕誰解憐才到女英直爲中郎呼快  
事轉欣丞相善沽名風調笳吹胡天遠路近邊牆漢月  
生莫悵紅顏歸國滅明妃地下豔行旌 楊貞女詩未  
嫁成孀婦樓居慘澹人十年堅此志半月悟前身竟作  
無兒媳能娛慟子親淒涼供菽水泉下爲酸辛 又鍼帶  
能終養奇窮內外家甘心茶有味苦節竹生花義重天  
難奪身臨崇不譁閨中人第一 綸綽定褒嘉 送梁  
石樓炳進士授職中書歸養母詩雁塔新鐫姓字香寒

仁壽縣志

卷十一 藝文志

六

羶一擲竟高翔文星恰傍臺垣耀掖月初看祕閣涼詩  
料鮮明紅藥句頭銜清俊紫薇郎芹宮舊日青袍隊翹  
首雲天喜欲狂 又夢繞清齋苜蓿盤九重天近不勝寒  
君恩浩蕩清班重臣志綢繆祿養難北闕鐘聲同拜  
舞南陔笙韻話團欒言歸我亦催歸計先作鄉人衣錦  
看 唐花詩地爐石炭小洪鈞不待花風氣象新冷眼  
繁華皆幻夢熏心富貴漫驕人枯根只爲爭先發結果  
還憑自在春總是一年開一度枉他熱處損天真 除  
夕詩奚僮歡笑換門封餠饌蕭條酒一鍾債券統於今



夜集爆聲不似去年濃了無佳興書春帖賸有閒情弄  
雪峯手疊朝衣高枕臥寒宵免聽五更鐘 元旦叩頌  
誥封疊除夕韻六品曹郎四品封無須受祿定千鍾  
頌來 溫語心多愧榮及先人 澤更濃族里騰歡延  
鳳誥豐碑何日樹鵝峯家祠子姓焚香去早聽樵樓  
五下鐘 遣興詩不受人磨便墨磨春光無價忍輕過  
嘔心未便耽詩癖運甓真堪遣睡魔慣駕疲驪衝雨雪  
羞聽熱客話烟波鉛刀擬效桑林舞肯和王郎拔劍歌  
自壽詩鑿開七竅太玲瓏入世情多累藐躬蓬矢桑

弧憐過客米珠薪桂漸衰翁形同匏繫生無益官待河  
清氣尚雄自愛雞鳴聲不惡非關磨蝎照身宮 又燕山  
久客似家山屢夢騎驢入劔關舉族兒童誰玉立壯年  
兄弟幾朱顏故園松柏應無恙遊子頭顱已就斑五十  
四齡猶若此問君何事到人間 又不成生佛不成仙明  
月前身已下弦土可搏人皆任運金能躍冶肯貪天前  
程黑漆新燈謎瞥眼曇花脫口禪春酒三杯良自愧若  
論彭祖是髫年 又人海誰張破浪帆霜風吹老舊頭銜  
蝶衣栩栩形原幻雞肋條條味不鹹卜宅自憐春燕苦



語冰常陋夏蟲凡星星空長馮唐髮羞對衡茅大布衫  
苦吟詩苦心覓句勝求仙不肯人間食火烟冷月幽  
花才鬼夢假形幻影野狐禪鑿開巫峽方通海尋著桃  
源別有天飯顆山高難仰望那堪太瘦見青蓮 盪兒  
來京詢家計兼示族中子姪詩爾心切孺慕匹馬六千  
里蜀道上青天視之平如砥嚴冬冒霜雪手皴面皮紫  
一見憫爾勞何苦遽到此憶汝還故鄉十年一彈指爾  
壯吾將衰此亦自然理正喜抱爾孫無暇問桑梓桑梓  
尚安恬嗟嗟河北水又儒有席上珍金玉非其寶所以  
仁壽縣志

卷十一 藝文志

三

王沂公志不在溫飽聞汝近年來拓田課稅稻謀大力  
不支營營徒自擾嘗見世俗人趨利鬥機巧求益翻招  
損田宅如風掃人生富與貴默默憑蒼昊堅持勤儉字  
此益良不少 又士人學治生治生亦本務孝弟力田科  
今人恐難附能知稼穡艱氣尚非紈袴紈袴多餓死儒  
冠終不誤爲杜下轉語其說何以故富者不堪貧貧者  
安吾素收此硯田租能吏不催賦入口無饑寒此中有  
真趣 又祖德誦清芬承宣亦顯位緇衣見星使燕樂青  
菜味爾輩是耳孫家風不可墜我濫厠民曹財賦得與



聖心在益下敢言培克利無術裨蒼生遑計一身累清廚  
無肉食閨閣屏珠翠刻鵠苦難成類鶩亦非易寄言誠  
子孫斤斤體此意 清明日見新館白丁香榦多枯朽  
去年新植紫丁香將開矣近又添紅桃二本賦此詩去  
年拔爾出風塵穉小常愁負好春能傲霜威過冷節又  
占風信到佳辰學來花樣追前輩接得心香有替人丰  
采不妨稍豔麗紅桃新已結芳隣 清明日作兼懷諸  
兄弟詩緣牆芳草又天涯退食情閒日未斜試問春衣

仁壽縣志

卷十一

藝文志

三

能贖否東風催暖上桃花 又春城處處紙鳶聲攪我鄉  
愁欲聽鶯那得兒時兄弟樂花陰門草過清明 城西  
行詩幽燕習尙輕風雅日日校射西城下垂髻小兒慣  
騎驢白髮老翁能跨馬老翁據鞍顧盼雄小兒鞭驢擬  
彎弓燕市狗屠不可見文人都算可憐蟲君不見班生  
投筆將三軍橫行漠北收奇勳又不見小范老子一書  
生胸中百萬藏甲兵何須更學一人敵大礮一轟飛霹  
靂 夜飲城東山西城根回寓詩醉眼模糊幾點星半  
簾熠熠著流螢緣城秋草涼生露營馬無韁放夜青



代家言寄榆溪兄詩軟塵逐隊歎勞薪雁影遙遙十二  
春糜鹿深慙鴛戀棧談經時念墨磨人白丁許立門前  
雪花甲如添鬢上銀却老有方無聖藥只尋歡笑莫生  
瞋又崢嶸麟角聳頭顱屢夢吾家小鳳雛比歲添丁聞  
燕喜何年畫乙笑鴉塗籬金未便詢窮宦璞玉端宜近  
腐儒頗厭邇來紉袴習飛揚跋扈薄迂拘又儀隴新營  
數畝莊菟裘將老課耕桑先人廬墓家山遠兒輩音書  
驛路長故里有田皆負郭伊誰久客不思鄉商量轉售  
隣邨去他日辭官小宦囊又媿無佳况慰諸昆且喜年

仁壽縣志

卷十一

藝文志

三

來兩抱孫胸界頗能空俗障頭銜依舊帶塵根擬尋幽  
壑開詩境難借奇書伴酒樽那似山城官半隱新鶯聽  
到綠楊邨脩稌日與楊雨樓馬禹門小酌詩夾竹桃  
如醉夢丁香兩樹初開何必羣賢少長吾鄉楊馬再來  
又傾盡一壺魯酒腸中芒角不生我能不著一字君有  
萬卷書撐又我言君不洗耳君來我亦忘形莫談山陰  
韻事幾種翻刻蘭亭又萬事皆如流水兩頤時帶春風  
三人舉杯大笑吾心天地空空盃兒回里詩送子還  
故鄉我心已先到龍溪一灣水大人曾遊釣我時爲兒



戲臨崖弄飛瀑披衣濯赤足遮日黃荆帽大人摩我頂  
云是山中豹至今乏文華此恩慚未報墓祭久不親空  
言五花 誥望爾弟若兄努力跨吾竈 又出門望遠道  
心如導爾行崎嶇六千里日日計郵程夾道新榆柳送  
過洛陽城袖貯太華雲耳走黃河聲鳳嶺尺五天風舉  
肩輿輕聽鶯入劔閣古柏皆簫笙此行是壯遊亦足誇  
羣英 又計爾到家日剛逢五月初豆麥已登場秧苗一  
尺餘四野農歌起非種正當鋤族人慮我老爭來問起  
居爲言老愈勤公退仍讀書爲言老愈儉每食必園蔬

仁壽縣誌

卷十一

藝文志

三

惰農不可爲膏壤成荒墟歛歲如饑鼠貿貿填溝渠 又

我身如堅剛洪爐經百鍊我志如頑雲罡風吹不散我  
心如古鏡久磨物可鑑照徹盈虛理古今不可變天道  
罰奢淫鬼神助勤儉不惜千萬言婆心此一片嗟嗟族  
中子及早換頭面 三月初九詩兩兒赴新店戀戀送  
兄歸看爾經宵返憐渠一月依曉風驚旅夢春雨濕征  
衣爲念長途苦無聊對夕暉 題黃香鍊釧孝廉江天  
永慕圖詩推君孺慕心不如畫中人欲約身入畫承歡  
到千春而我論孝思不如畫外身能立不朽業揚名顯



天親昔觀叔度波汪汪浩無垠鯤勢擬摩空秋風吹大  
椿飛夢繞江天庭訓猶諄諄開圖望顏色刻木同悲辛  
我孤年未壯慘切君等倫看君永慕圖感我淚盈巾

退食與山荆話詩性不近膏粱天生藜藿腸腥羶鄙肉  
食蔬菜聞生香勞爾主中饋替吾思下場兩人歡對食

我媿髮先蒼 問馬詩伏櫪飽芻菱雄駿天龍致主人

恩養勤可有千里志 又 依風向天嘶氣欲追霜鵠爾有

千里志可有千里足 責鷹詩爾何高不集翰林搜身

側目空文禽又何不化喚雨鳩杏花邨外催犁耨胡乃

仁壽縣誌

卷十一

藝文志

十四

自同趨食鷺日掠魚腸挂枯樹枯樹槎枒傍我牆雞雛  
見爾爭潛藏爾之奢願誠難遂城狐社鼠皆鼯睡 獨  
酌詩客從家鄉來遺我家鄉麴山荆能家釀白酒七日  
熟佐以山家味一椀黃雞肉我意殊不然夢想新戎菽  
戎菽不可得又爲煮野蔌挈壺浮大白臂指爲僮僕古  
人是好友開卷都在目箴我以莊語我心爲祇肅偶然  
工諛浪使我一捧腹卽此杯中酒皆飲古人福春鳥喧  
庭柯身如住巖谷旣酒還復歌此樂何妨獨 謁楊忠  
愍公祠詩公何生不遭宣皇彪炳相業追三楊抑若早



達逢議禮長同升菴竄不起適當嘉靖中國雖強虜雄  
畏敵忍恥互市和戎分宜是明代之繆醜世廟一南渡  
之高宗仇鸞曾劉豫之不若而公一疏乃觸其凶鋒五  
繆十不可先見如觀火橫加杖謫怒未息天下事敢不  
由我一鸞殛死復百鸞鬼佞鷹犬盈朝班公還故官思  
報國一封白簡鋤渠姦刑公肉潰筋骨折自古忠臣無  
此血公惟痛國不痛身口如懸河語如鍊比干心椒山  
膽嶽嶽泰山詎可撼不立奇功立奇節金紫蝟縮其誰  
敢公之死政刑紊九廟神悲人情忿天亦爲之變地亦

仁壽縣志

卷十一

藝文志

三

爲之震靈風颯颯飛旌旆丹心浩氣撐天蓋拜瞻遺像  
我涕滂古今得此幾員外 江津潘孺人苦節詩天語  
旌門丹鳳舞人間歌詠皆蛙鼓徵詩傳苦節世能幾李  
杜悲哉龔孝廉五齡喪厥父孺人一慟不欲生翁姑誰  
養孤誰撫堂上椒馨外傅脩脯家無負郭田焚膏績麻  
縷只求心所安不覺荼之苦喪葬兼婚嫁卅載持門戶  
心血枯非二豎求聖藥病難愈哀哀孝子心茫茫一杯  
土我思節婦之報夫一如忠臣之報主託孤大節不可  
奪乾坤正氣供吞吐詞人靡文人腐那有孺人鍊肺腑



吁嗟乎孝廉母足千古 讀史詩偶語詩書觸禍機李  
斯爲相厭袞衣腐儒坑盡功名就上蔡蒼鷹望爾歸 又  
絳侯厚重鄙無文安呂安劉迹未分臣朔俳優臣黜戇  
霍光仍作大將軍 又入粟爲郎薄馬卿輸貲忙殺卓王  
孫高車駟馬題橋日忘却壚邊犢鼻褌 又休將白首笑  
馮唐延賞當年髮亦蒼歎惜長沙年少死老郎絕妙養  
生方 從李華峯含芳言月餘不爲詩轉形愁苦故態  
復萌不能自己詩壯志重經濟雕蟲頗不屑一官十七  
載宦情藉詩熱華峯好孝廉吾里錚錚鍊知我復愛我  
仁壽縣志 卷十一 藝文志 三

贈言憶臨別謂我頽白人吟毫日屢掇性情有所癖卽  
損心頭血何如無所爲百巧鎮以拙再拜感箴言從善  
吾勇決牋筆束高閣唸情起卽滅隱隱俗慮生朋從相  
糾結月餘苦禁遏髮添幾莖雪行篋不貯書漸爲蟲鼠  
穴良田不種稻日有草芽茁始知不爲詩未是養生訣  
璞玉異常堅只用昆刀切解牛導大窾芒刃久不折况  
乃見獵心根株本未絕牛山遭斧斤又復生萌蘖祇應  
順自然聊從心所悅 雨詩戶暗濕雲低雷霆竄午雞  
撼林風勢陡撲瓦雨聲齊刈麥先愁瀟分秧好插泥關



心黃水漲何日合金隄 繼李杜詩訟詩太白任天真  
風趣本放逸偶吟飯顆山興到脫口出少陵抱忠誠心  
與太白密屢懷太白篇崇獎皆以實各有真性情了不  
相妒嫉乃謂競詩名互有譏刺筆小人度君子臆說可  
不必又爲區優劣指摘紛不一執管窺蒼冥叩槃測皎  
日泰山與東海豈以高低律昌黎有定案吾姑免究詰  
久雨詩芳田渟潦碧如油滯麥生芽苦未收隨處泥  
窪能困馬平時陸地可行舟山迷雲雨酣巫夢天漏銀  
潢觸杞憂絕谷飛泉三百道同聲奔放注蘆溝 又捲簾

仁壽縣志

卷十一

藝文志

三

日日望新晴忽覺龍腥撲畫楹簷溜慣成飛瀑勢人譁  
隨有塌牆聲閒庭作圃花爭落老屋疑山草怒生兀坐  
藤牀消永晝滿窻雲氣濕桃笙 又硯田宿墨起沮洳擬  
著奇文討蠹魚蠅虎聽歌能解舞蝸牛畱篆可知書階  
前積水常疎濬身外浮雲並埽除難得故人風雨至夜  
深剪燭話鄉閭 又愁聽蛙部奏笙歌僮僕非農競買蓑  
邨有游鱗居涸轍了無乾鵲集高柯詩敲苦雨難諧律  
酒灌枯腸易湧波惆悵兩河成澤國欲揮長劍斬蛟鼉  
讀史二十韻麟獲春秋絕龍飛歲月同廢與畱版籍



成敗雜英雄青簡千年事黃梁一夢功賢忠遺黼黻猛  
將卸刀弓恩怨霾真品袞譏濁大公夜臺憐鬼哭傖父  
顯神通木曲繩原直塵多鑑不空吹毛求翠羽膠柱失  
焦桐蛙鼓喧蘭沼蚊雷鬧葑宮寒酸蔬筍氣朋黨馬牛  
風立議心從刻傳聞耳欠聰樊籠囚綵鳳煙水縱冥鴻  
玉是崑山貴金甯麗澤窮恆沙宜擇揀燕石亦磨礱菡  
萏吳江艷櫻桃蜀郡紅紫騮生冀北白豕炫遼東小說  
供遊演荒詞散瞽矇具官誰種稗問史欲敲銅斧鑿冤  
梨棗齋厨飽蠹蟲何人開隻眼一筆掃羣訁 感事作

仁壽縣志

卷十一

藝文志

三

偈詩人生天地大治陶鑄緣至則來緣盡乃去天地無  
心物理有數聚散生死本無錯誤迷者牽情慧者了悟  
且修人事補其缺處我法神明異乎泥塑 熱詩風后  
埽雲天宇清扶桑飛起赤烏精垂首吐舌光萬丈南溟  
水沸煙風生解葛衣坐蒲薦左手持觥右搖扇枯腸得  
酒澆甘霖吟情躍躍磨老硯葦棚架枯樹枝日來蒸出  
幾朵好靈芝酒亦濕熱之氣所釀成不能蒸出五花八  
門得意詩熱如此吾安之 雨詩黑龍潭曬欲枯黑龍  
奮起追赤烏噓氣成雲比龍黑不知胸次貯有幾千萬



斛墨渴飲東海噴九垓滾滾飛瀑漫空來朝揚塵暮險  
灘欲吟喜雨詩轉歌行路難入門脫帽一昂首屋脊紛  
紛過蒼狗浴鴨大笑蹒跚走雷公訇訇尙怒吼庭前水  
可種藕 司中放歌和譚康侯敬昭趙鹿澤先雅兩王  
政兼呈錢新吾儀吉曹長詩生不能出塞侯渡海王也  
應霖雨露黎蒼不然建節修封疆從容坐鎮四境康胡  
乃師吏學會計磨驢廿載疲踉蹌氣亦不覺爲之沮神  
亦不覺爲之傷宦情春雪沃沸湯豁然胸界開明光一  
品至九品風味皆相當老義攫金不過買酒喫達夫學

詩可以娛榆桑那得如船山張鍊船方各分壇坫排旗  
槍又不若吾家松嵐老桂薑稜稜健筆生秋霜有時心  
所欲言興所到隨拈秃管塗幾行賣驢書券苦無典無  
鹽懶施脂粉漿其調非宋亦非唐乃辱陽春白雪章巴  
人那解刻羽商欲窺涯際天茫茫屬而和者郢中客倚  
樓長笛風瀟湘心平不共山鬼語美人芳草搖明璫省  
中更有新吾子表忠觀是家祠堂懷珠韞玉不許外人  
見胸中盎盎蒸古香一堂相對數君子歡如野草依羣  
芳不知人生何幸得此友直欲千載爲曹郎也不誦仙



丹訣佛金剛但今日讀幾首詩千鍾萬鍾皆糝糠諸君  
聽我歌個個鬚眉張拍手大笑狂生狂驅馬各散心亦  
忘 殘菊四首呈魏春松成憲觀察詩幾枝殘菊補秋  
光過得重陽又小陽老吏息勞成大隱遁翁畱蹟近名  
場園林靜後寒生月風雨閒時夜有霜莫怪邇來天趣  
減朝朝灑淚話羲皇 又 心香期到十分清傲骨稜稜強  
自撐能伴孤松持晚節合隨五柳號先生頻看楓樹傷  
搖落不讓梅花有性情一樣寄人籬下任低頭誰更吐  
金英 又 故交何用苦相思蜂使流連蝶夢癡高士臨歸

仁壽縣志

卷十二

藝文志

三

猶話別酒人扶醉尙吟詩只憐白髮經霜早那有黃金  
滿地遺可笑東風催百卉依他富貴合時宜 又 可有紅  
塵未了緣澹然心跡一癯禪能畱俗眼談何易欲折公  
腰恐不然壯士晚年多悟道英雄末路許求仙枯腸擬  
灌東籬酒只少柴桑負郭田 詩字題二十首 學 難拋  
老命換雕蟲天籟鳴時句自工頗笑達夫鬚鬢改強隨  
子弟拜冬烘 詩 作頻年心血苦煎熬無價春陰伏案消識  
得詩工窮作崇悔教卷帙壓牛腰 詩 敲著眼全非得意篇  
敲殘玉漏不成眠改來原稿全無字轉覺初吟本自然



續詩意盡全題四語超字求充數律難調屠沽雜入賢人

隊狗尾蒙茸也續貂詩尋黃葉青山覓遍無幾番驢背問

樵夫那知性水澄清候現出光明大寶珠詩集貸韓借杜

苦紛紛著手都成破碎雲強率市人充戰士登壇誰是

大將軍詩代獼祭文章小應酬我心人面兩悠悠俗儒那

解詩工拙只看官階為點頭詩夢手握生花筆一枝惠連

與我鬥新詩醒來大笑寒酸相不夢封侯事可知詩催刻

燭渾忘一寸輝先生想正入非非倘教擊碎沿門鉢只

好傳人破衲衣詩徵徵詩情味勝徵租挨戶誅求比樂輸

仁壽縣志 卷十一 藝文志 三

酒債未償詩債集那堪日日困追呼詩鈔醉眼模糊懶自

書吟成脫稿付鈔胥誰知字比詩尤劣故意癡肥畫墨

豬詩聽吐肺搜肝隱自知枯寒誰聽孟郊詩必求老嫗都

能解何不蓮花唱乞兒詩訂去畱互換日無常閉戶何人

替主張公道自持私意退靈臺高坐魯靈光詩缺記事珠

遺十八灘當時詩料少於官畱教需次分年補轉怕河

清待我難詩補勝蹟當年筆偶停羊亡幾度草青青才知

詩比天難補費盡媧皇萬顆釘詩祭別無佳品可酬勲詩

味全憑酒味熏此夜報君兼報我莫教此腹負將軍詩賣



金盡床頭且賣詩無成名士合如斯萬言杯水無高價

笑倒長安度曲兒詩投士偶無靈踞一邨各於無佛處稱

尊笑他質質投詩者捧著猪頭覓廟門詩醫一身元氣要

扶持強弱須權補瀉宜百病叢生都可活世間惟有俗

難醫詩評牡丹穠豔壓三春霜菊寒梅各有神黜宋尊唐

專臆說天生不是箇中人詩註三摩不在四威儀引典支

離強費詞刪盡詩箋真意出莫教謔語亂清思詩斷詩若

無題莫浪猜偶經神會有題來顛預一按淫奔律未免

先生武斷哉詩選此事全憑眼有珠不參私見不模糊看

仁壽縣志

卷十二

藝文志

三

完選本看全集愜得人人意也無詩讀紙上詞華象外神

我天真印彼天真不知酒味求糟粕且問堂前老斲輪

顏惺甫先生撫閩奉呈三十二韻 聖主咨方畧封

圻任老臣 三朝榮出入九省賁 絲綸翊運天生亮

匡時嶽降申勲名齊耿賈地望邁陳荀建節南康少談

經北海倫忠貞傳令緒風雅冠儒紳繡袞辭 雙闕霓

旌指八閩彝尊當日 賜犀帶即時新雞鬥齊風悍鴉

懷魯頌馴雍容興禮讓談笑化荆榛波靜娜嬛地恩來

島嶼賓越裳通翠羽滄海貢驪珍粉署推前輩成均拜



後塵馮唐嗤易老原憲慣安貧請謁詩爲贄分光德照  
隣腐庸應踳踳感歎到沉淪蜀土連年接姬公握髮頻  
相傳先代事已結未來因玉壘驚烽火金匱外拊循哀  
鴻嗷澤苦流馬運糧辛德裕邊籌熟乖厓膽氣真爲憐  
徭役急不避相公賔露布聽銅鼓蓉溪隱釣輪蒼生司  
馬活閭巷葛天涸鱗角馳星使蟾宮殿月輪珊瑚都映  
水棧樸自成春賤子寒酸相平居筆硯親雲霞攀落落  
車馬挹麟麟聯袂趨 丹禁鳴珂散 紫宸乘軒慙野  
鶴展足羨花駟象滿汾陽笏烏彈錦里巾葵心惟向日

仁壽縣志

卷十二

藝文志

三

華棟祝恆春 感舊四首攜鶴去萊州浮家寄虎邱頭  
銜狂太守肘印醉鄉侯名悵杯中累官憐意外休不逢  
嚴僕射風雅贄如疣 又名重先遭忌愁來且賦詩同官  
皆妒婦妙句是佳兒駿骨金千鎰鵬魂血一枝楓青能  
入夢莫話此生悲船 薊北艱餬口漳南偶借栖未騎曹  
植馬先夢謝安雞蓬島三生石辭華百丈霓燕山舊壇  
坵風雪夜淒淒 又一壟猶風雅花溪澗灑津草堂詩弟  
子玉女古鄉隣短碣標才鬼生芻感故人九齡遺弱息  
誰訪大河濱山 李月峯年丈解組來京話舊詩喜觸



當年捧檄心監州無懈且鳴琴仁人偶烈荏苒火溫語  
堅辭暮夜金有母依然供菽水浮家未易話山林塵魚  
甌釜渾間事官到奇窮是好音又一勺廉泉許共分積  
年累比負山蚊感人不覺醇多飲市義無心券已焚聽  
彼部民稱佛子憑他醉尉喝將軍閒來獨擁書城坐檢  
點琅函辟蠹芸次牛次原坤曹長三次畱部元韻重  
逢一笑酒腸寬吐握鈞臣爲整冠清美秩兼郎署好風  
流香接令公難陽關幾疊歌朝雨益友曾誰耐歲寒我  
亦如君薰沐熟只輸玉筍長千竿

仁壽縣志

卷十一

藝文志

三

吳省

吳省三京師春日集句鶯囀

皇州春色闌更逢晴日

柳含烟雲移雉尾開宮扇燕蹴飛花落舞筵萬井樓臺

疑繡畫五陵車馬鬪嬋娟玉皇端拱雲霄上凝碧池

頭奏管絃和劉絳齋趙大山錦江春泛集句嵇阮相

將權酒船春遊人坐水中天魚吹細浪搖歌扇鳥弄歌

聲雜管絃紅杏夢酣三月雨綠楊花撲一溪烟等閒識

得東風面風景依稀似去年無題集句桃花春水隔

年年縹緲仙源信不傳月下梨雲渾是夢風中柳影半



如烟銀河有路三千里錦瑟無端十五絃酒醒更闌香  
未燼分明重到蕊珠天又兩年濶別繡香叢蝶泣鶯啼  
歎落紅紫玉不禁三月雨朱旛難護五更風回思載酒  
澆連理忍見飛花付斷蓬西苑近來青鳥別誰傳錦字  
到江東又江城二月春如許偏感春光異昔時人面無  
緣虛雅集桃花有約訂佳期偏來兩度鶯聲杳獨上三  
山蝶夢遲怪是欲拋拋不得澹烟疎柳又相思又夢醒  
揚州大業花盈盈春水隔春餘周旋有限驚風雨離別  
無端感歲華月下海棠空待客門前烟柳不藏鴉玉奴

仁壽縣志

卷十二

藝文志

三

已老紅兒嫁日倚層樓弔落霞又話別橫塘又一年桃  
花芳草各依然偏教西子歸難定每向東風恨未捐已  
爲舊人增慷慨又牽新恨轉纏綿低徊更問南來雁此  
去龍堆路幾千又當年曾記舊行藏課綠評紅遶畫廊  
柳爲愛才知起舞花因憐醉解扶將去畱燕盡成新契  
上下鶯多識老狂最感裴公眞大度任人頻叩午橋莊  
又風景盧橋亦洛陽感甄清夢未荒唐才華我愧高千  
里溫雅人疑脫十孃錦字織成當曲宴玉簪敲斷記橫  
塘最憐酒醒揚州後雲樹江天水一方又草池東畔舊



烟霞載酒重逢萼綠華  
早拚閒情歸逝水  
儘將春恨付叢花  
珠圓宛宛聽鶯囀  
睂細依依認柳斜  
到此不堪提往事  
當階老樹又栖鴉  
又近聞蝶訴紫雲鄉  
舊日桃花尙豔妝  
正抱離懷思阮子  
頻開笑口問劉郎  
春風別後人長隔  
清夢驚回夜未央  
我是多愁潘內史  
重添新感入河陽  
送潘介臣元亮歸金陵  
詩楊柳綠  
珍珍離亭爵介三人歸  
重峽北春滿大江南  
金粉山川麗烟花  
水月探他時如憶我  
新咏付瑤函  
步姜孚堂愿中劍門原韻  
鑠鑠三川地  
干戈百戰場  
關門懷力士  
壁壘哭平仁壽縣志

卷十二

藝文志

三

襄業盡埋荒草  
銘猶勒夕陽  
登臨回首望天府  
鬱蒼蒼  
步渭人璜劍門謁平襄  
祠韻國破孤忠在  
啼鴉譜舊銘  
山川仍抱恨  
風雨不堪聽  
九伐戈猶枕  
三分局已停  
登祠長太息  
黯澹暮天青  
又一旅承先烈  
連年苦戰場  
師婆方跳躑  
宦豎又披猖  
淚落南陽相  
心悲北地王  
靈旗揮部曲  
猶指舊封疆  
夜坐詩兀坐到  
夜半流螢入雪案  
蠢蠢一點明  
欲與燈光亂  
古今小有才  
每同此浩歎  
丈夫志遠大  
寸長烏可炫  
反身問何如  
心驚復顏汗  
又虛堂寂復寂  
微聞清露滴  
獨坐對短檠  
遽然發深惕



天地無我前我既不可覲我去天地後天地從何覓中間數十年風馳霆電激來去足輕重須畱鐘鼎續感此長不眠蟲聲生四壁 憫農謠烈日午焦禾土無辜顛天哀此農父憶昔聞布穀琴瑟御田祖斗酒操豚蹠稽首祈甘雨黃童舞白叟鼓田祖有祖多稌多黍何事季夏初亢暘乘徂暑四野煉紅爐耕夫心如煮仰面觀太虛炎炎增畏懼嘉禾方孕秀正資雲漬礎倘此旱太甚盈止詎可許况自四月末饑饉薦臻苦斗米過干錢且更乏阿堵九日或三餐十口無二舖餓莩盈道途炊烟

仁壽縣志

卷十一

藝文志

三

絕蓬戶鴻雁鳴嗷嗷中澤誰綏撫邑長方坐食虛惠聊煦煦慳吝又拘牽苟且徒撐拄所言不可行卽行亦何補菜色望西疇仰惟恃天乳綠章夜草成待訴上帝所願假膚寸雲崇朝徧深阻黃茂終芄芃以穀我士女綠曲雜詩雨霽浮烟芳草褥桐雲冷上琴書局捲簾四顧寂無人風送蟬吟過嫩綠 又縹緲天開圖壹幅烟爲四壁雲爲屋客來休放鶴相尋人在碧城深處宿 又風敲玉露涓涓滴翠蘸涼雲侵屐濕山鳥窺人睡未醒無聲悄下蒼苔立 又崖泉觸石鳴蒼玉采藥人歸山寂寂



睡起空林正午時迎風亂度聲聲笛 感懷寄蘭溪詩  
縞紵先賢事雲龍我輩心一軒休臥月四海望爲霖處  
士名難副空山責正深故人長抱膝倘許和高吟 晚  
霽閒步詩人來新雨外日挂板橋前翠蒨山疑畫空濛  
草是烟天光爭水色鳥語鬪鳴絃小立溪頭上悠然憶  
輞川 清夜吟晚照忽西沉涼天靜如沐野人自掩扉  
俯仰在邁軸卮酒對遺經挑燈酌且讀神同造化遊胸  
無塵莽伏樂哉斗室中乃亦見並育從此學古人杜關  
參靜穆俄聞庭鶴唳捲簾一豁目方知月正明皎然挂

仁壽縣志

卷十二

藝文志

三

林木露濕空階苔雪映疎櫺穀矯首望冰輪稱觥遙與  
屬少焉月到門直入我書屋一軒明秋水四壁洞烟瑤  
呼童移燈出休與清輝瀆慧眼何多情窺我案頭牘似  
未盡大觀重尋至做麓今夕爲何夕嬋娟共信宿對此  
更陶陶明瑩在幽獨蕭然成好夢夢亦非蕉鹿仍立水  
晶城指點風痕感蟾光靜沁心爽氣清融肉驚回何處  
笙枕畔一錢燈覓月向中庭尙戀琅玕竹 田家樂詩  
風和日暖草生烟布穀當村喚種田花柳滿阡秧正綠  
催耕人立夕陽天 又 翠滿東郊日正長秧歌齊唱綠雲



鄉去年穀尙全餘在又報山阿麥已黃 感懷集句剪  
剪輕風陣陣寒一痕曉月正凭欄春蠶到老絲方盡滄  
海成塵淚始乾愁事漸多歡事少別時容易見時難一  
春魚雁無消息青鳥殷勤爲探看 又紫簫吹月夜乘鸞  
銀燭金爐夜不寒尙有鶯啼金縷曲更無人倚玉欄杆  
臙脂淚盡紅潮冷菡萏香消翠葉殘正是斷腸時候也  
碧雲何處望歸鞍 又看花忍賦斷腸詩客歲今朝憶此  
時紅蓼白蘋空作色清風明月苦相思含顰墮涕都歸  
我舊恨新愁更問誰雲外關山聞獨去畱君不住益淒

仁壽縣志

卷十二

藝文志

三

其 悼亡雜感集句去年今日此門中曾倩巫陽問紫  
穹點點淚痕空有迹飄飄情思杳無窮花開笑口方邀  
月草掩芳魂又泣風搗麝成塵香不滅此心期與故人  
同 又暖雲如粉草如茵却向天涯別故人多少風流惟  
獨語生平心迹最相親傷懷觸處都成恨老淚拋來不  
記巡自去龍門無國士空山聊自度殘春 又樽前誰是  
去年身冰作肌膚玉作神雲外關山聞獨去岸傍桃李  
爲誰春難畱瘦影常依我但得清光解照人 又  
誰入夢更從杯底話前因 又安得相攜共酒杯斷烟荒



草角聲哀浮雲往事都成夢紅葉深秋正掩苔感我心  
情空遠望因君懷抱未曾開燈前寫了書無數立盡西  
風雁不來又悠悠生死忽經年歲月無情日變遷別怨  
自驚千里外幽情聊寄一樽前愁添隴上三更雨恨落  
江南幾樹烟闌苑有書難附鶴夕陽花雨聽啼鶻又別  
有深情一萬重眼看春盡不相逢閒庭有客驚飛雁塵  
夢無人對曉鐘短笛河山思向秀高樓湖海憶元龍他  
年底處申前約直上天門第一峯又一回無耗一無聊  
何事逢卿轉寂寥對酒捲簾邀月問倚烟啼露爲誰嬌

仁壽縣志

卷十二

藝文志

四

曾挑錦樣三千字遠寄春心十二橋今只海棠枝上蝶  
夜深猶伴客吹簫又一點冰心不染塵東風吹到意中  
人朝朝暮暮湘江水雨雨雲雲楚峽春無限花情兼柳  
夢幾回月夕與風晨如今一例都刪却祇想重來是後  
身又更隔蓬山幾萬重芝田何日許登龍雪爲魂魄冰  
爲骨雲想衣裳花想容遼鶴不歸空有夢青鸞一去杳  
無踪可能相別還相憶會向瑤臺月下逢 桃花曉夢  
詩回首天臺事渺茫東風影裏賦高唐月畱昨夜尋春  
夢烟鎖凌晨浥露香向曉尙難拋阮子當年應悔送劉



郎離魂擬到元都去一任鶯兒喚那廂 高樓雨夢詩  
一簾疎雨逗春愁夢入清宵韻轉幽暗濕離魂歸遠渡  
潛催別恨壓高樓瀟瀟到枕渾如覺點點傷懷半是秋  
聞說襄王曾有約問他神女可來不 西堂草夢詩西  
堂雨霽曉烟平夢遶春池畫裏行晴日一簾仍伴蝶暖  
雲三徑或畱鶯模糊露影含香潤輾轉風痕疊翠明送  
好句貽康樂否衍波箋擘待瑤英 小山桂夢詩西風  
吹夢入淮南桂子香中月一簾瘦影微茫魂正倚小山  
縹緲露初霑攀雲有路登瑤闕握斧何人遶畫檐招隱

仁壽縣志

卷十二

藝文志

望

歌成無伴和鳳簫應試玉纖纖 東籬菊夢詩一枕西  
風別恨滋夢中隨意遶東籬霜前度影烟仍護月底吹  
香露未欵勸客雅如逢杜日催詩不減醉陶時秋來南  
雁休輕喚恐斷芳魂覓舊知 霜天鶴夢詩杳無客跡  
到柴關徙倚苔階百慮刪萬里風高飛在懶一庭霜冷  
夢初閑或來竹影香雲外想正梅花曉月間踏雪有人  
曾見否試憑畫角與招還 空山雪夢詩玲瓏豔雪鎖  
烟鬟風冷梁園一榻閒人臥梅花看碎玉月峯霜夢遶  
寒山驢經灞岸難尋跡鶴到瑤池未掩關曉角聲殘重



指點依稀猶立亂峰間 邯鄲大夢詩蠻觸蝸天幾戰  
爭又添韁鎖正縱橫不來大夢參三覺難向浮雲了一  
生認假作真新富貴賺人誤我熱功名祇因未到黃梁  
熟請過邯鄲問舊鑿 梅花月夢詩三生明月話梅頻  
指點當頭悟幻塵一片白中尋舊夢十分香裏証前身  
霜寒東閣遲青女雪滿南枝喚玉人待倩老逋攜酒問  
羅浮可許續良因 杏花香夢詩羞將離恨訴東皇倦  
擁紅雲夜正長夢去魂猶吹暖麝生來身自倚靈芳氤  
氲十里人何處宛轉三春約未忘深掩清芬遲小宋肯

仁壽縣志

卷十二

藝文志

三

容蜂蝶暗偷香 楊柳烟夢詩盈盈低臥曉窗前不語  
含愁態宛然尙有離魂貪好夢應多春淚付晴烟幾回  
顰笑知何故一夜因塵寂末言珍重黃鸝須喚起莫教  
孤負豔陽天 梨花雲夢詩空濛膩粉散氤氳暖雪溶  
溶路不分一隴淡妝耽綺夢四天明月鎖香雲窺從北  
苑疑邀我覓到南柯定遇君何處笛聲吹正苦可會魂  
隔碧紗聞 芙蕖午夢詩水閣風微靜未波銀塘日午  
醇香荷愁侵曲岸紅中少夢落圓陰翠處多小立滄浪  
行遣此私邀紫玉可怎那瑤環贈後人千里明月欄杆



久不過綺窗花夢詩春愁不逐晚霞空珊枕聊支綺  
閣東窗鎖繡雲吹掩苒夢穿香月踏玲瓏閒尋蕊闕三  
千伴徧叩花天十二宮更向梢頭呼蝶起新歌重試海  
棠紅美人春夢詩芳閨靜掩一簾春小綺紅雲日未  
昏好夢恰來相定約檀郎不遠與温存行行不盡桃千  
樹曲曲重過柳半村正覓伊人鶯又喚天涯矯首倍銷  
魂素娥秋夢詩桂殿金霜又報秋嫦娥鏡裏獨生愁  
魂銷綺閣惟支枕夢壓珠簾懶上鈎露蘸微雲情寂寞  
風修冷月恨夷猶塵寰盡道神仙樂那識神仙忽未休

仁壽縣志

卷十二

藝文志

三

慈恩詩夢詩雲流風散賞花期泛菊慈恩偶賦詩潼  
水故人方入夢曲江新酒正聯詞一樽笑語千山合兩  
地纏綿五夜知金石神交真不忝更從膠漆外傳奇  
感秋柳詩秋風一夜滿江南吹老秦淮綠半帆搖落不  
堪桃葉渡温柔盡改菊花衫芳魂漂泊春雲散瘦影闌  
珊夕照銜珍重不須啼夜雨旗亭轉眼又摻摻萬花  
高會曲香飛六字繡雲齊綽約羣仙手共攜盡下丹青  
尋舊約春山萬點簇虹霓日暖霞城天正曉嵐光水色  
青縹緲鳥徘徊向畫中迎風宛轉從烟外遶陌頭蝴蝶



共翩翩爭趁春明錦繡天聽說花神開雅集盈盈飛舞  
傍瑤筵芳草爲茵山作障飄香散綺環相向訂得東皇  
作主盟殷勤話會瓊臺上烟海瀛洲各寄身念分襟在  
去年春洛陽風景揚州月回首天涯憶故人契濶三時  
方覩面雲霞堆裏重相見真成勝會最難逢况值芳辰  
尤可戀徧邀舊侶話幽思更遣香兒及雪兒爲報五城  
諸女伴好扶繡輦赴佳期逐東風到都忘遠擁翠凝丹  
來上苑或雅淡兮靜以嫺或輕盈兮徧且反萬道仙雲  
鬥麗華明妝豔影煥朝霞掌上腰羅千樹柳座中容繞  
仁壽縣志

卷十二

藝文志

四

六宮花流蘇纂組明山谷珥珠簪紛簇簇羣言雅宴  
奏鈞天不藉人間絲與竹先催燕舞紫雲回繼喚鶯吹  
阿濫堆瑪瑙杯中須盡興相逢休笑玉山頽蝶拍香檀  
重按曲雙雙翡翠鳴紅玉水怡山悅各開顏都道春光  
看未足便畱諸女住華林長借春韶點瘦岑近恰素娥  
親致語今宵願與細談心俄冰輪駕遙天外霓裳客降  
三清界坐月光中共泛樽的真償盡風流債鄙人原屬  
舊知音幸預周旋到夜深多感芳情何所謝濡毫爲記  
閨風吟擬構百千萬間黃金屋向芙蓉城深處卜盡羅



翠翠紅紅入此中且信信且宿宿日持瑤觥玉笋相徵  
逐 懷蘭溪陳四兄却寄集唐此中幽隱幾經年盡日  
菰蒲泊釣船閉戶著書多歲月揮毫落紙如雲烟簾前  
春色應相惜樓上花枝笑獨眠爲報東州故人道家貧  
已用買琴錢 座上贈魏生曉園集唐春山無伴獨相  
求舒卷如雲得自由風柳烟中同聽雨露桃花下不知  
秋勸君更盡一杯酒助爾添修五鳳樓珠玉會應成咳  
唾還如何遜在揚州 懷辜三山四弟集唐更無消息  
到如今隔葉黃鸝空好音此日主人還盡醉舊來行處

仁壽縣志

卷十二

藝文志

巽

好追尋周旋清夜晚楓落坐臥閒房芝草深心想夜間  
惟入夢長河漸落曉星沉 月榭集唐空庭露白樹栖  
鴉風動欄杆影半斜淡淡着烟濃着月深深籠水淺籠  
沙霜寒閨苑三更鶴雲擁瑤臺五色霞銀鑰重關聽未  
闌隔江猶唱後庭花 懷一山弟集唐心寄浮雲共卷  
舒杜陵花竹夢郊居却看舊雨知何處閒望江雲思有  
餘嶺樹重遮千里目故人那惜一行書曲屏半掩青山  
簇管領春風總不如 春興集唐鳥弄歌聲雜管絃綠  
楊高映畫秋千樓臺倚徙當今日風景依稀似去年蝴蝶



蝶夢殘花底月杜鵑飛破草中烟不辭便學山公醉真  
個逍遙是謫仙 感別集句曾與提壺汗漫遊春風回  
首仲宣樓音塵阻絕雲間雁踪跡浮沉水上鷗碧落有  
情空悵望白雲何事欲相畱琴詩酒伴皆拋我滿眼東  
波盡是愁 又擬擢孤舟訪舊遊共嗟王粲滯荊州花都  
墮涕雲都怨人自傷心水自流雅集幾回思往事愁心  
一倍長離憂亂生春色誰爲主但覺新來懶上樓 又誰  
期載酒共登樓一曲欄杆一倍愁青鳥不傳雲外信素  
娥偏報月中秋青山有恨年年在野水無情處處流惆

仁壽縣志

卷十二

藝文志

吳

悵與君烟景隔不如庭草解忘憂 又百感中來不自由  
春山無伴獨相求懷人空積詩千首隔柳惟存月半鉤  
遺事滿懷兼滿目此身多病更多愁江淹綵筆空餘恨  
白髮如今欲滿頭 又好雲無處不遮樓瑤草春深小洞  
幽天上人間何處去客年今日此中遊酒邀花柳琴邀  
月前值東風後值秋風景宛然人自別夕陽惟見水東  
流 又廊深榭迥此徘徊惟見羣鷗日日來料峭春寒呼  
酒遣淒涼懷抱向誰開閣中帝子今何在天外離人去  
未回日送長空飛鳥盡不堪惆悵滿離杯 又江東行客



思悠哉潦倒新停濁酒杯顧我情親皆遠道爲君扶病  
獨登臺山川此日和愁對懷抱何時得好開欲問參同  
契中事懸知獨有子雲才又瘦馬尋花處處行青袍今  
已誤儒生新愁舊恨渾無賴紫蝶黃蜂各有情今日好  
爲聯句會隔樓誰轉繞梁聲可憐庾信尋荒徑白髮新  
添四五莖又又聽鈎輈格磔聲百憂如草雨中生長疑  
好事皆虛事道是無情却有情莫怪關心頻爾爾祇因  
回首是卿卿如何躡得蘇君跡會上蓬萊宮裏行 春  
閨集句玉漏沉沉月漸斜却疑春色在隣家蝶飛錦帳

仁壽縣志

卷十二

藝文志

三

三更夢雲擁瑤臺五色霞匝地綠陰描水墨滿階香雪  
落梨花向誰可解儂心事人去天涯未有涯 九日登  
白帝城遠眺懷古呈同遊諸君子兼以爲勗詩九日黃  
花節三秋白帝城山川餘浩劫今古寄浮生詩酒聯朋  
友滄桑感性情舊遊會幾輩新局已頻更沿革千年事  
英雄百代名何人揮短劍此地馘長鯨黑塞冤燐冷紅  
羊戰骨橫菊都垂恨淚濤亦咽淒聲粵自西都漢駟當  
勝國明元黃分割據正閨鬥戈兵坐井偏矜大當關竟  
抗衡勦民誅不貸弔古淚徒傾握手登高會興言告舊



盟丈夫須報國 聖主正掄英陋孟詞何補憐陶業未  
成不應絃誦日俱付魯齊觥忠武饒矜式文貞足景行  
蓬廬周幹濟薄海奠澄清斧芾儀威鳳韜鈐殄孽蟲庶  
今嗤某某不更諂卿卿我輩長茲鑒先民永是程裳華  
輝太乙膏醴贊由庚 桃花吟遞十二番花信風新催  
蓮步下蓬宮容華點碎春江綠標格生成醉靨紅偶駕  
明霞離海上旋蒸紫氣滿樓東漢廷空獻珊瑚女終遜  
芳卿面面融又色占羣芳已八分臙脂痕泥酒微醺春  
明綺閣酣香雨露潤彫欄鎖絳雲濃蘸風光薰豔冶細  
仁壽縣志 卷十二 藝文志 吳

吹花氣散氤氳霓裳舞徹霞成錦尙裊畱仙六幅裙又  
蜂顛蝶醉燕飛忙共逐流鶯過短牆國色聞來桃葉渡  
仙源向占武陵香會燒艾葯隨王母又住靈芳待阮郎  
願趁天臺新酒熟清芬襲泛紫雲觴又破費東風不厭  
頻經營妙得畫中身百千色韻歸紅靨多少溫柔付絳  
唇織就河陽三月錦分來天上一枝春輸他內史繁華  
甚香滿床頭十二辰又生臨綠水自婀娜每向春江嘆  
奈何二月香流金谷遠一溪紅入武陵多此時浪定詳  
看未當日風流好在麼人面朝朝菱鏡裏儘將心事託



微波又風扶絳女下遙天雙頰紅顏記宛然怪是怡人

多窈窕分明度曲小神仙妝催北里當今日酒對西崑

憶去年倘念瑤池會秘約休煩蝶使更傳箋又旖旎曾

牽子敬思妝成剛及好春時腮勻絳雪霞雙剪露洗紅

珊瑚一枝顛倒蜂媒忘坐久勾畱蝶使欲歸遲穠華若

許梅花聘願乞周南絕世姿又幾許閒愁未有涯支離

江上惱春華橫勾客眼依漁浦側對兒身認酒家偏愛

水難歸約束慣牽風易惹欹斜太康人又無消息特倚

晴烟盼釣槎又生憎東風故故催不堪聊賴且低徊已

仁壽縣志

卷十二

藝文志

巽

教春夢都全歇轉惹閒情未盡灰儘有月宜偕徙倚渾

無人解一追陪華陽洞掩劉郎別六曲欄杆鎖日偎又

紫鳳鉤纖立有痕懷人日倚舊朱門香依簾桁過三月

夢落天涯第幾村真是息媯多薄命便逢崔護總銷魂

乞漿有客宜珍重休遣紅冰涸石根又道士猛獐未解

談無言有淚共情含臨波照影渾難遣到竹憐香更未

堪三月鶯花愁洛北一春烟雨望江南憑誰寄語天涯

客多少風光待靜探又天臺春滿十三樓併作花神萬

斛愁爲採藥人真叵信思胡麻飯苦含羞剛臨北苑開



香國又向東風憶粉侯惆悵杜鵑渾未省不從歡處勸  
歸休又十分嫩恐觸風銷曾向東風囑小喬顧我正愁  
山杏妒看卿偏壓海棠嬌香蒸露暖溶溶滴色受春多  
豔豔搖金屋紫雲如肯住願俚紅玉度清宵又却憶羅  
敷自有夫傳箋粉蝶已來無雖因好夢拋紅淚未向春  
風解絳襦膏沐誰容羞婉變香薰獨寐感踟躕漁舟一  
去成千載露滴愁看記歲珠又萬紫千紅息眾喧西崑  
人降小仙源傾城傾國依苔砌含恨含情倚絳軒金玉  
爾音原妙舌燕鶯何綺卽清言却嫌花外懷春女更向

仁壽縣志

卷十二

藝文志

三

東風訴一番又恰逢天氣半陰晴料峭風痕入夢輕傍  
水傍烟爭鬢疑仙疑畫懶分明粧描淺絳花三徑袖  
醇微香月二更總爲嫩紅方醞釀含情脉脉倚春城又  
暗生春感上睂端輾轉斜廊意未安穩仗東風來正暖  
翻從北苑散微寒中添縮瑟含顰對半減容華帶笑看  
莫使疑猜芳興改豔陽重訂倚雕欄又樓東徙倚別關  
情下自成蹊懶送迎夢裏相探仍此恨風中獨倚爲誰  
驚斜依露井天初暖小駐華林月漸明嬌女平陽知就  
裏對花應自惜瑤英又待商量便鎖扉柴不放春愁亂



綺懷惆悵自憐移錦襪心情偏愛倚雲階圖開罨畫天  
如許淚染紅綃事未諧繡浪生春春繞砌閒庭偷卜小  
瑤釵又澹影疎疎繞綠岑有誰人解箇中尋自違薛女  
花溪上便待劉郎薛徑陰消遣畧憑風故故闌珊空付  
月沉沉去年崔護應重訪倩蝶凌風寄素心 紫薇應  
湘畹明府教並勗其弟仲蕢令嗣景韓景蘇詩薇省綴  
流蘇西清第一株自披紅錦立懶倩綠雲扶品貴宜紆  
紫神恬不奪朱媚嫌山菊婢狂憎牡丹奴蓓蕾羣攢樹  
葳蕤盡合柎翻思鈴閣草嘗直翰林廬婉婉窺青瑣亭

仁壽縣志

卷十二

藝文志

三

亭侍翠椽燈枝懸火齊筆格捧珊瑚白傅交尤客燕公  
契未疎屢陪卿月管共補慶雲圖雨外傾紅唾風前解  
絳襦霞明珠絡索香浸繡紗幘雅入仙郎盼憐同靜女  
姝小名光翰墨春色醉蓬壺擇里隨鳧舄移根出鳳都  
長歸循吏有頗憶舍人無接蔭常華郁交柯桂萼敷各  
期吟芍藥誰肯卧菰蒲得主何會負求隣喜不孤毋須  
彭澤柳可廢蜀宮芙蓉黛鉛華屏臙脂綺韻臙一瓊新  
識汝五字舊慚吾藝圃非仙許騷壇或小邾規摹臨虎  
畫潦草學鴉塗正不羞僮父方輕賦藐姑司花原屬李



琢玉暫容吳所願同人勉休如教者膚笙簧丁漏几枕  
菲酉山厨率竹林偕奮瞻雲路並驅含香依 日表珥  
筆上 天衢 述感應門下李仲蕢請詩徹夜渾無寐  
凌晨忽有滄經春旬疊六按節候重三雜卉輪團錦諸  
峰各染藍紅過村酒店綠到小茅菴金埒爭調馬花階  
正浴蠶雅遊知更適枯坐悵何堪矧雨隨雲散剛天入  
水涵蝶邀江令棗鶯喚戴家柑美景情難割名賢跡頗  
諳義之文厚契點也志微參梓澤真高會華林亦偉談  
千秋人不作三日樂誰擔幸客嘉州勝期尋洛邑酹元

仁壽縣志

卷十二

藝文志

三

辰曾預擬上已好窮探玉鳳原城北烏龍自水南筇將  
支郭洞酒定載蘇龕詎謂時多阻翻成事大慚先民疑  
致諛鄙願信難甘蓋竟虛浮螳齋仍兀擁蟬直教高士  
達偏遜野岷愁逐伴臨丹壑衝烟上碧嶺去穿霞冉冉  
歸拂柳毵毵感此頻擘腕瞿然獨叩鐔夢牽貽芍媚人  
憶秉簡菴莫定風流約何來燕語喃徒占需客速未叶  
豫朋簪繡佛澆蘇竿燒春泛畢鑿在人殊所惜於我又  
焉貪抗手辭紅友強顏謝翠嵐勞卿諮切切載筆紀眈  
眈 寶劍吟夜魄寒無色流光燭紫微埋會金虎護化



定玉龍飛斗落珠星煥風抽雪練肥卽今多候火願取  
月氏歸 贈黃鍾雪下菊詩石凍雲寒日冰凝木落時  
地天當寂寞山水互嗟咨久報梅開塢重看菊繞籬龍  
沙過二月飈館茁三枝飽具精神在何嫌節候移正逢  
霜栗烈偏倚砌蕃滋九日風仍舊千山雪不辭訂陶申  
後約邀孟續前私久矣忘遭際蕭然絕忸怩爲歌元相  
句益感少陵詩戲馬懷當局題糕演昔詞白衣人可到  
青眼客曾思每嘸歸殊早休傷遇頗遲得卿邀坐地拚  
我拚吟髭背指頻攀話窺龐各解頤恰來浮螳夜遑恤

仁壽縣志

卷十二

藝文志

三

買琴貲薛印紛鋪繡蟾光亂湧池睇烟螯入手踞石酒  
盈卮南郡筵橫布西崑日側睨曲煩招翡翠杯許進鷓  
鴒雁斷愁疎濶麋逢慰別離肯憐寒若此休問夜何其  
貴卽輸韋綬狂原比宋祁心情能識否膠漆請從斯強  
頂差相類同懷莫更疑况非今偶晤煞是舊深知鐵骨  
交樽俎冰心繫鼎彝風霜渾怯任桃李大堪管樂此忘  
憂矣於哉信禕而終窮從古未小吝值今雖竹外如傾  
耳欄邊或展睂爾時都應爾之子復何之聽我披覩縷  
尋卿訴險夷四旬仍着白雙鬢漸侵黥刻鵠形粗肖亡



羊路屢歧悲歡畱雪爪肝胆付毛錐爨久銷烟火炊常  
析屣屢究惟甘縞素終不買胭脂淺水安魚服幽崖隱  
鹿皮涉川謀作楫種豆忍爲箕鼓鬣容升鯉簪毫願侍  
螭行藏擔拓落堅白耐磷緇瀚海行相謝樊川且獨怡  
戴容鶯與燕安石竹兼絲擁絮還濡墨舖醴亦啜醅弗  
圖嗟歲晚翻使快心期品逸將聯社情深欲結禱雲偷  
辛氏姊唾拾左家姬杜牧篇重贈張賁句再貽疎簾鉤  
落照瘦影對寒漪料峭斜經眼幽香直沁脾並教繙畫  
稿權取借書瓚倣漢橫陳舊摹山倒接羅唱酬依曲館

仁壽縣志

卷十二

藝文志

詩

繾綣立輕颺雅調徵霜女新聲按雪兒藍田增豔羨玉  
局塵吁睢倘近逋仙宅當先靜女祠却瞻楊柳媚齊向  
雨烟榴爛熳羣芳譜凋殘半局棋倔強經竹律輾轉署  
花司擗隕胡爲者茗榮則與其浮山今屈問酈水舊難  
訾此節宗元亮相思傲伯夷龍頭矜有式馬齒幸非衰  
灌莽餘荆棘乾坤賴羽儀久要煩永矢交勉在毋欺  
補贈海棠詩苦憶春明事評紅約未忘東華圍錦帳西  
府試宮妝姊妹爭花國神仙屬海棠夜初燒寶燭時偶  
降瑤闈闈苑天猶昨昌州日正長靨蒸霞冉冉珠佩露



灑灑品冠三千隊姿傾十二行並凌瓊樹媛休道舜華  
姜綺結天孫霓霓紫帝子裳憑欄嬌徙倚喚蝶好扶將  
麗晷偕容與輕颺共颺颺酬須澆竹葉浴合奉蘭湯南  
海殊清貴中原少頡頏珠流飛燕唾帶結彩鸞纒得爾  
堪貽芍從誰更采唐垂絲真婉轉貼梗亦恹恹脉脉重  
臺下盈盈曲苑傍命憐青女薄居笑素蛾孀旖旎殊難  
狀周旋或未妨探都侔定惠照亦傲崇光徑泛樽開宴  
同看月轉廊板敲紅雪調歌侑紫雲孃載筆師韓偓填  
詞陋宋庠經營丹杏句冷落碧雞坊元相俱愴楚桓温

仁壽縣志

卷十二

藝文志

五

信老狂情牽三月柳夢憶五雲萑但所娛心性因之付  
管簧疇揮端伯穎自勸太真觴爲徇金蘭社爰分翰墨  
場朱華吟鄴水綠萼賦崑岡瘦冷怡彭澤清平重洛陽  
聽松來栗里看竹過瀟湘灞岸騎驢熟仙源鼓棹忙各  
矜才子氣高咏美人鄉雅麗邯鄲絹編璘李賀囊一逢  
諧獨癖旋許冠羣芳底似珊瑚女嫣然薜荔房畫圖眞  
入畫香國別成香字擬呼三妹容嫌比六郎麻宣青帝  
詔草奏放翁章北勝何曾勝南強未許強胭脂環几席  
粉麝甲平康得築金爲屋知傾玉照堂竭來烟内外吟



嘯影中央不語偏含笑多情欲斷腸花天頻檢校葢闕  
重姑嫜亦有娉婷秀終輸窈窕良警驚逢上苑還認晤  
西廂翠袖連幽草紅紗倚嫩篁粗嫌桃薄倖俗厭李披  
猖在蝶酣垂翅於鶻靜嘯吭岑樓遮宿霧小院濕輕霜  
半捲芙蓉帳橫陳玳瑁床何緣求藥杵便與索瓊漿願  
趁春宵暖追陪夜話詳流鶯箏譜趙舞鶴笛吹羌二美  
筵初秩三生夢乍償性情蘭蕙洽風雅玉金相舉案何  
煩孟依廡請伴梁何期浮白乍好是泛紅剛却笑雙星  
對空臨一水望感卿貽雜珮因我卸明璫語又傳鸚鵡

仁壽縣志

卷十二

藝文志

美

言同跨鳳凰風流成痼疾日轉入膏盲敢乞千金質來  
祈百卉王折梅權代幣作聘勉承筐玉蠲還思贈珊瑚  
忍見戕倚闌晨唱和捧硯夜趨蹌妙舞惟徵越織歌不  
按涼捲簾邀鄭谷披扇學王昌雨意含層疊雲情結渺  
茫聞情知綠綺挾瑟怨清商並作溥溥露相看肺肺楊  
送參橫細柳迎日上扶桑正暈霞雙剪斜臨水半塘渾  
疑勻絳薜仁待畫眉張宿鷺包羞避遊魚妬豔藏流連  
中婦鏡整束內家裝暖雪宜名紫佳人不姓黃叨聯文  
字友併謝武林倡得趣工偏反祛愁善抑揚每憐牽蝶



步疑上采蓮船否屬天生獨何緣韻軼常定從琪樹島  
移向墨花莊白入蘇髯宅頻登宋玉牆竹間談水石亭  
外課旗槍錦里謳吟契金鈴晝夜防纔瞻姿格好早惜  
鬢毛蒼座喜香霏閣詩慚筆蘸潢炎涼催絡繹節序走  
滄浪屈指因塵隔關懷滄泗滂綢繆從咏絮荏苒過分  
秧細雨徒深念輕陰竟弗遑百千芳緒誤廿四令旬當  
回首成烟玉驚心出塞嬌披綿蒙欵曲歸珮想鏗鏘故  
舊人何在吁嗟雪已雱魂難招碧漢客欲唱黃塵細此  
伊詒戚誰云是不覆有情余未諼無怒子宜將雅集雖

仁壽縣志

卷十二

藝文志

七

寥歇深情尙激昂謂終成別苦期更與偕臧白墮澆花  
史青詞薦玉皇吹笛回月令搗鼓破天荒解凍鳴雙琯  
調元叩八琅隔年咨語燕先臈戒寒螿檢點圍紅幄安  
排泛綠航盟堅填海石技蹈轉丸蜣舊許拋難下新篇  
補試嘗品題嫌昔未延擱至今方刻柱聊拮拾登巢妄  
抵塘和聲廣樂府數典擷書倉綺韻毫釐辨仙容尺寸  
量效顰箋譜賈覲面說詩匡冀借丹青手平分象緯芒  
花神存面目藝苑著圭璋可奈塗鴉澁仍譏獺祭攘擬  
旋開院落重訂伴縹緗梓澤羣仙聚雲溪一葦杭長歌



申後會清賞樂無疆 春閨集句柳陰亭院占風光更  
引微風亂繡床鸚鵡未知狂客醉芙蓉不及美人粧舞  
裙拂屐喧珠珮寶帳吹笙學鳳凰婉約娉婷工笑語遲  
畱春筍緩催觴 又小姑居處本無郎倦倚東風白玉牀  
蝶意闌珊芳草歇杏花零落燕泥香七重寶樹圍金界  
十字春波繞宅牆誰在高樓最深處團情團思媚韶光  
又謝娘垂淚立風前玉軫傾欵懶上絃雨意匆忙剛入  
夢雲情散亂未成篇梁間燕子聞長歎樓上花枝笑獨  
眠惆悵粧成君不見更逢晴日柳含烟 又起來又是夕

仁壽縣志

卷十二

藝文志

五

陽天兩岸垂楊鎖暮烟落日澄江烏榜外杏花榆莢晚  
風前百年人事都流水二月春光已杜鵑斜抱雲和空  
掩泣不堪腸斷數華年 又東望望春春可憐向誰親按  
小嬋娟風情浪蕩剛三月書問蕭條已半年謝豹咽殘  
花外雨杜鵑飛破草中烟王孫一去何時反獨上江樓  
思悄然 漫興集句樂昌一段好風流不及盧家有莫  
愁金勒馬嘶芳草地紅妝人上采蓮舟雪爲魂魄水爲  
骨雲作高臺玉作樓還憶從郎徵險韻丁香初結小銀  
鉤 紀宋左丞相兼樞密使越國公張世傑盡節厓山



本末右丞相陸公附詩祥興元年夏六月宋徙厓山作  
行闕厓山屹立海灘中距奇石山如門櫺越國張公柱  
石臣陸公彪炳又天民艱難血戰元黃日望宋中興似  
有緡草剗雲雷剛半歲五坡嶺痛文山剝中朝所恃惟  
二公二公所恃惟忠銳廣州南忽大星搖紅巨如箕下  
海潮中旋爆裂分爲五聲騰萬鼓天吳驕已徵宋室皇  
統絕海水腥膻天水滅屋烏幕燕火將焚翹足天崩地  
維折再越明年正月春元張宏範逼厓門由山東轉南  
洋入騎軍斷汲水軍屯更運茅葦千百舸沃膏四縱乘  
仁壽縣志

卷十二

藝文志

五

風火越公戰艦盡塗泥長木拒火火不果宏範於公本  
從兄勸降三次遣韓甥也知降生且富貴大義難移說  
不行轉陳歷代忠臣答琅琅語驚風颯沓奈何軍飲海  
波鹹孱兵嘔洩病叢雜相持一月戰厓山慷慨臨戎血  
淚斑一以當千不可敗將回落照咸池間兵塵至午元  
樂作意彼少休可暫却倏重生力縱橫來四面蛇蟠交  
束縛一舟檣仆眾檣隨金鼓轟天勢漸危庸奴凌震翟  
國秀棄甲降如曳尾龜元人暮薄中軍帳雨黑霾昏風  
正壯咫尺相看不見人俄傳帝已洪濤葬先是元軍犯



蹕時陸公知事已難支奏陳陛下當死國德祐之辱胡  
可爲首驅妻子後負帝呼天奮躍投滄溼內宮宮妾外  
諸臣絡繹捐軀節次繼公聞搏頽幾躊躇憤欲攀髯赴  
鼎湖轉念身關宋絕續興滅重爲列祖圖一十六舟斷  
維出水底蛟龍驚咤叱颶風陣裏片帆馳汗血交流淚  
汨汨神勇將軍報國心元兵百萬不能擒底事占城終  
未到一舟仍作汨羅沉海陵突捲黃颶惡毒瘴迷山波  
舉潯露香再拜自沉淵盡節從容天錯愕猶記端宗丙  
子年兩星蓬勃鬪中天鬪歷三時一星隕已兆公與宏

仁壽縣志

卷十二

藝文志

李

範戰海之幾先吁嗟乎南北元戎兩昆弟彼自封侯此  
自死千秋忠義竟誰歸丈夫在此不在彼前帝厓山殉  
國時宋亡兩字尙遲之謂公猶在卽宋在青史大筆光  
陸離惟趙氏絕公力竭惟公力竭趙始蹶三百炎符一  
個臣終宋己卯夏六月 秋日雜興詩開閣看秋光雨  
餘添別况苔痕繡石根綠到虛堂上 又雨滋壁上琴烟  
冷洲前橘短笛隔江聞一天秋瑟瑟 春閨集句宜春  
花滿不飛香薰得愁人恨轉長風信可曾來北苑月痕  
依約到西廂簾前擲豆調鸚鵡帳底吹笙學鳳凰每到



夜深人靜後自燒高燭照紅妝又東風愁寂幾回開繞  
徑名花手自栽圓月不隨江水去芳春多爲海棠來含  
情此日渾難說寄語旁人莫浪猜底事日高門尙掩應  
嫌屐齒印蒼苔 題錦字回文圖回文詩文回織錦粲  
花仙五色絲紉字篆烟分緯絡穿珠串貫度梭星點玉  
環連雲雕句雅風摛藻綺煥瓊華月映箋君是古人今  
是我薰蘭倚蕙結詩緣 三聖祠落成侑神歌星垂井

絡光熊熊瑞應坤維氣鬱葱巴山玉壘壤奧闢夔門劍  
閣峯穹隆中環天府之國數千里雲雷草昧嗟蠶叢教

仁壽縣志

卷十二

藝文志

空

養事缺狂獠在文武道塞迷蒿蓬洪荒樸陋帝悲憫掃  
除混沌資神功大觀日鑒屈指計特簡三聖通明宮代  
天開化戴匡下文昌六宿樞流虹飛鸞救劫牖民覺一  
十七世無始終嵯峨七曲降真宅據梓州勝跨涪潼百  
千萬億化身參羅列三十六天上下胼胝通爰教法睢  
積習蕩滌盡世世羣黎耳目無曠聳奈茲陸海仍廢土  
平原荒草徒繇豐靈崖不鑿水不誓盪殮大難歌有饒  
於鑠懿哉李太守喬梓戮力亮天工郵流利導二江會  
草芟晦闢苗芄芄粒民率育惠澤溥循良第一五花驄



洎炎漢末名教裂亂臣賊子何匆匆黃星應識海水沸  
么麼吳魏矜梟雄毒霧彌天天紀滅河嶽日星正氣鍾  
蒲東力體春秋大一統義昭大法重扶民彝帝典秩叙  
光瞳瞳到今一千五百有餘歲仍畱精忠義勇挽頽風  
侯其禕而教澤後先三聖將毋同吾儕幸生化成世幽  
明共凜敦龐鴻虔建祠宇修肆祀寅祈格享焄蒿中維  
神赫濯兮維聖明聰惟福降康兮惟禍併蒙四海一德  
兮休隆五風十雨兮和冲農無嘆兮麴翦士有慶兮瓏  
璵荔子丹兮桂醕紅蕭光炳兮檀雲籠椎牛羊兮陳殿  
仁壽縣志 卷十二 藝文志 全

慮黍稷潔兮簠簋充拜白叟兮舞黃童鼙鼓兮逢逢社  
鼓兮辭辭高朗兮終兮昭明有融仰三聖之鑒歆兮下  
碧空神具醉止兮福祿來崇 朱虛侯行酒詩酒令行  
軍令傳籌握勝籌朱虛匡帝室白墮靖神州燕寢盤營  
壘犧尊伏盾矛三千環羽騎二十擁貔貅大統移他族  
高皇付贅疣飛觴歡侍宴渴血怒鳴鞬斬呂傾諸呂安  
劉仗一劉綺筵揮寶劍炎鼎奠金甌將種臣原是天誅  
爾道不渝盟悲曉馬雪憤誓殲鴟壯烈憑肝膽淋漓獻  
鬪髀驚看人授首畧當蓋藏鉤外戚王雖醉東朝后已



愁交驩誰藉陸左袒不因周却笑平懷詐陰教勃試謀  
土茅雖富貴兒女任啁啾梟馘鋤非類英雄屬此侯鴻  
門空自舞真讓大功收 羣玉山房首夏感懷追憶三  
嶠李夫子詩寂寂山房午悠悠客感寅或成無用漢空  
負可憐身肝臂隨蟲鼠形骸任彈輪底緣通子詈翻代  
女嬃申拓落拋鉛槧惺惺走市塵銅山牽駝脆壑日飽  
酸辛末士誰知己先生是古人憐才收木屑降禮辱蓬  
賓化雨鼇峯沛清觴燕座陳龍門傾酒盞烏帳侍儒巾  
企仰原披月流連竟匝旬當筵何娓娓判袂愈諄諄謂

仁壽縣志

卷十二

藝文志

三

子將無匹羗子幸有隣茅心芟處化繡口語來真附鳳  
將儀羽探驪或得鱗凡疑皆釋凍偶訓卽書紳忽客蓬  
壺界剛秋十六巡再浮文海棹空望武陵津漁舫纔歸  
晉仙源永別秦到今仍小草終日對荒榛未一堪千古  
差三泖五旬昂頭層漢外戢羽大江濱藻翰當彝鼎鶯  
花度夜晨弗邀青簡許終受絳帷嗔坐此攤經史悠然  
想鳳麟勉持追琢意雷雨卜初屯 春宮海棠集句畱  
取輕陰護海棠宜春花滿不飛香九天丹闕開瑤島一  
朶紅雲捧玉皇芍藥自慚仙子韻芙蓉不及美人妝良



宵此夕知何夕香霧空濛月轉廊 贈余梧岡鳳廷昆  
仲割產崇祀詩民彝敦報本物則首崇先雅欲安宗祏  
端宜安祀田庶幾垂奕葉永足紹升蠲俎豆欽前緒馨  
香賴後賢夜臺愁耿耿時享恨悁悁析產畱原隰徵租  
奠几筵再容遲歲朔尙擬劬祠枿解此人殊罕休哉事  
可傳曰儂三世上聚族七閩邊遠自金風里來茲鴈水  
孺厥初綿叶阡方至福如川地購藏雲隴囊充化蝶錢  
早銜恩罔極別引恨難捐爲憶椿萱茂恭蒙鞠育全食  
衣勞鬻憫婚嫁歷迤邐丙或長畱婺丁先不隕錢藐茲

仁壽縣志

卷十二

藝文志

畝

憑海嶽小藉答埃涓倏鶴來雙客辭塵赴九泉鮮民何  
怙恃有子但嗚咽欲辨春秋奠還持子母權泉流滄滴  
滴襪綫續芟芟俟積沙成阜將籌瓦及椽翬飛羣祖衍  
栗王列宗鑄肝蠻高曾浹趨踰世代沿露霜酬燕翼灌  
獻捧豚肩自考遙追遠由身下逮元腊魚庭左奉蘋藻  
澗南奉正位家人假中孚小畜學駿奔齋肅肅燕笑鼓  
蕭蕭此日聊陳豕他時或效牲松花樽薦酒石葉鼎浮  
烟君子風斯厚先人澤以延謬承康樂述代補白華編  
侑食章新撰迎神曲旋填居歆華表鶴不化蜀山鶻陟



降焄蒿裏端臨几桷前衣冠渾是畫翟莠宛如仙鑿享  
粢盛潔攸躋醴幣虔分明堂右个隱現序東偏笑語音  
容接尊卑遠近連探幽原孝摯合漠此誠堅存沒相通  
復人神共轉旋來移丹鳳寫去拂繡花韉幘俊申純嘏  
高門百福駢江村卽事詩梅花紙帳藕花莊一枕清  
香破夢香起向雕欄舒望遠聲聲漁笛又滄浪夜坐  
桂香中拈覃韻賦感詩計月當重七占辰屆朔三剛逢  
人藹藹又值酒醴醴花對階前拂天從局內參苦辛方  
閱歷雲水正虛涵金粟原名佛瑤臺偶借龕奇葩驚岱  
仁壽縣志

卷十二

藝文志

五

北高韻憶淮南折此卿原許仙乎我未堪才唾輸翽鳳  
字敢壓眠蠶琢玉渾忘寐圍香豈謝貪矧當蘭共契雅  
與菊同酣臭味神差泮筌蹄趣早耽芬何超艾蒨質本  
列梗柗調劑知偏勝陽剛願共擔雙清凌棗竹一笑壓  
優曇早傍三霄問期從九禁探色香雲表覓消息箇中  
含得和羹偕酒先嘗苦及甘心還舒以赤品定勝於藍  
坤五文眞叶離元道足參古今天上事圓缺口頭談不  
藉紅塵土全依碧落堪青娥多抱歛素女亦懷慚百卉  
如塵戰羣仙此大戡不徒光葢闕兼擬印江潭坐使形



形徹都教面面醜得風吹浩渺隨露滿  
猗猗願假詩壇  
施聊分米汁泔濃芳薰燭炮雅唱鬥杯  
婪接席舉新藻  
流芬慰老醜解憐心切切不厭語誦誦  
頗願培佳植長  
盟護舊庵洽情兼洽性偕寤且偕寐結契  
三秋爽忘形  
一味憨評香花萬朶泛月酒千罈玉斧  
從容握瓊枝次  
第參論才將李白隸事亦劉惔繾綣仍  
呼盞周旋更擘  
柑神仙頻秘語風骨久深諳玉殿身應  
到嬋娟目許耽  
韻宜薰滿袖萼想摘盈籃散肯憑天女  
收將付月甌  
還烹紫蟹卷且酌紅蟬喜對天無翳新  
停雨有滄妙盈

仁壽縣志

卷十二

藝文志

七

軒馥馥清釀露澹澹擷秀雙毫染流霞  
四座弁聯芳渾  
屬杏競爽耻依禰笑是衣猶褐公然髮  
改珍丹梯勞步  
履紫闕隔烟嵐待躡青雲上行招白鳳  
驂凡材生羽翼  
仙路駕魚驪雪檻方尋兔霓裳肯綴鶴  
吳剛經胼胝蔡  
澤苦褸褸久厭穰鐘鶴難馳殼觫慘得  
朋殊踔厲助我  
奮趁趨酒飲賡鴛畢萃香宴鹿苔遙知  
躋月玷近穩拜  
菱餞嫩蕊應全掇餘枝或借挽雄文輸  
郤晉好夢讓盧  
邯雅會洵難邁深情忍或吟於儂矜獨  
立若個與參譚  
對影新香匝交柯瑞露湛氤氳風味結  
縹緲月光函滌



俗清疑蕙醫凡樂是菴沁心同姹女蘸墨有奇男證果  
參真諦拈花悟妙鑽矧偕蘭以佩不僅葛之覃金玉其  
相映西東乃互盃開樽霏艷冷簇袖擁香倏謝草魂應  
奪王槐舌已舐芸階欣捷足虎榜未傷領得第一人尤稱  
掄元志豈媿披雲探月竈入手絢星鐔灼灼桃徒媚垂  
垂柳自鬢幾曾袍脫白倏且萼凝醴南國芳爲長西崑  
品最慘上蒸霞散綺下蔭水成潭烟月高秋對風霜大  
力儻同心皆雪鏡貫體又金鑷徙倚經三漏吟哦伴一  
珪常儀知笑我短髮傲鬢鬢 崇聖精舍桂植三仙祠

仁壽縣志

卷十二

藝文志

七

下寺中景詩兩道登科樹三仙證佛場銀葩枝接影金  
粟葉交香一半薰鱣座雙分護鹿床龍天開法象花雨  
湛神光梵貝留千本旃檀認幾行神原滋寶卉我久占  
靈芳忽雪堆檐白隨雲繞砌黃直移般若殿平入廣寒  
鄉種借重輪窟芬流大雅堂最高枝正放第一手行將  
舊締前身果旁連老衲房伊蒲參結習艾蒹與排當托  
地偏珍重吹馨亦較量都慵依首座小婉謝東廂課實  
形俱化談空色未忘畸人花左右古寺月中央僧俗宗  
曾辨儒禪味試嘗芳菲洵北苑清淨又西方散定從天



女拈仍叩覺皇此間無鼻舌其外有烟霜眼耳能瑩澈  
因塵益渺茫好尋心印契休使法乘荒過去勞深盼當  
年感熱腸叢林添勝跡秃筆少鴻章雅荷徵詩苦聊爲  
擊缶狂痴懷傾老桂餘興寄空桑俯仰乾坤大輪回日  
月忙云何分得失解否願籌商指豎秋花冷燈傳夜雨  
涼主人應不叱客是老吳剛 畱別臨川書屋諸子詩  
漸漸人將別悠悠路正長感時臨歲臆回首憶故鄉昆  
仲看雲計妻孥倚戶望今仍嗟阻隔舊已話郎當總爲  
松三徑難求米一囊因之離骨肉到此歷星霜琴劍陪

仁壽縣志

卷十二

藝文志

矣

高座縹緗擁雪堂師生差道可日月倏雲將笑語同人  
泱關山判袂涼片言須記取天漢早騰驤 回文詩紅  
桃宿展嫩華融好恰妝含細雨濛風漾錦香浮苑北葢  
凝珠露湛軒東瓏玲玉點霞流綺瀲灩花雲繡疊叢葱  
鬱瑞光韶景麗空庭曉映日晴烘 又娟娟柳颭小溪前  
暖日晴川影倒懸圓鏡鎖雲波蘸露細絲紉燕浦含烟  
天搖嫩碧春江遠露染濃青曉黛蜷連結翠陰深映水  
牽懷客聽早鶯遷 又霞飛繞磴鎖香紅簪擁遲來喚小  
童花落滿階春織錦帚停閒院綺回風斜斜舞砌苔鋪



玉點點飄香繡轉叢遮徑紫雲晴掃未紗窗綠掩草堂

空又啼烏曉破夢遊仙暖閣春酣醉客眠溪繞繡雲紅

度瑄榻橫香枕翠浮烟鸚鳴柳聽人高臥蝶宿花看景

倒懸西苑竹雲晴日麗萋萋綠草映苔磚又鶯吹月訂

燕啼烟令屆春陽豔景鮮城擁繡香催暖日頌兼風雅

奏芳年聲聲玉嘽花圍柳嫋嫋金從曲譜仙晴曉報春

新應律清簫度管叶歌絃又蒼蒼水映曲隄長隱隱漁

村隔綠陽廊轉柳陰輕罨畫網懸溪岸翠圍莊光凝曉

徑烟環屋影匝濃雲絮擁牆魴鯉載歸船罷釣觴浮月

仁壽縣志

卷十二

藝文志

九

泛碧痕香又時芳趁日好風遲藥種閒庭曉更宜滋露

暖香抽茁玉蘸春濃翠縮雲絲移紅嫩補花環砌染碧

輕搖葉展旗詩課醉邀鶯訂燕熙恬慶賞宴霞卮又岑

苔繡點黛螺勻嫩柳浮烟翠擁輪深洞小山雲散綺落

霞仙徑草含春林疎雜雨香凝露壁峭懸蘿綠映人襟

拂淡痕輕冉冉尋幽寄興老閒身連珠回文詩晴烟

縮柳映花晨語燕呼鶯曉口新鶯度柳叢花拂日燕飛

花杪柳扶輪明霞散綺花團錦軟翠飄雲柳織春筌嘽

嫩吭鶯勸酒繡圍香壘燕畱人平隄綠繞花中塢曲徑



紅迷柳外津賡燕倩鶯金叶律伴鶯邀燕玉調錚瓊裁  
燕瑄鶯歌雜綵絢花溪柳黛皴清景麗天花轉月爭鶯  
燕柳煥斌璘

楊應  
達

楊應達守歲詩明知歲要去君胡苦相守藉問來何來  
今去何方走一刻值千金此日何可苟門前送客紛臨  
歧重回首黑帝豈無情決絕當亦否誰知六龍駕妙哉  
誇好手積日歲以成少壯乃老醜有如長官去民吏遮  
道人解纜去不還悵望仍烏有我聞古之人爭立三不

仁壽縣志

卷十二

藝文志

七

朽日往月斯來晝嘗夜以受卽彼不息機作我自新紐  
愛日心皇皇何須論卯酉勤者得歲多情則歲何咎三  
百有六旬分寸不吾負惜陰在舊歲須臾緩已後不見  
白頭人愁殺屠蘇酒 眼鏡望月詩維天則有眼維人  
則有月等是一鏡懸晶瑩光鑿髮我有碧玻璃兩眼亮  
如雪三五大圓靈千載白固一時乎微雲生蔽隔還恍  
惚銅鉦不可必入夜光且缺回看鏡兩眼圓璧正皎絕  
除日送黃字橋歸詩好友如好歲欲去忙心曲餞歲  
更餞君一杯聊往復歲去歲又來君來不可卜望君如



望歲無人知我欲昔者相同門  
佻兮忘結束風雨會且  
離苔岑誼愈篤翩翩鄧與黃  
三人如鼎足慨自一鳳亡  
知我惟君獨君心卽我心得  
詩便欲哭氣高寡所諧心  
孤甯非族所恨卅里遙瓣香  
齋徒祝數月會面難言別  
一何速兩兩叩所以愀然於  
空谷未極山陰興倉皇呦  
呦鹿一紙言事書三秋詠懷  
牘倒惹報訊嫌忙我答僕  
僕我乃痛君貧長謂書宜讀  
忽焉雙鯉遺殘冬剩債促  
憶自君之來清輝盈寒屋頓  
喜臭聞蘭或拋磚引玉得  
題與君分將我調語督時乎  
意也消那勝終夕宿雲散

仁壽縣志

卷十二

藝文志

七

兮風流西窗夜剪燭始識竹  
梅心桃李猶然俗蒼蒼不  
憐人光陰騁且蹙我欲阻君  
行堂上祖與父我欲送君  
歸廚前酒和粟脩脯未之給  
君乎得無慙鳳棲無鸞箋  
銅盤少美肉楚王不設醴頗  
似將客逐小兒性魯魚將  
君累句讀抱持以趨庭勗我  
其式穀感君意誠然愧我  
老碌碌明年花信到重訂桂  
培馥君行莫遲回且了今  
年局 浣帚婦詩十月霜寒  
水凍時北風獵獵吹連漪  
有婦搥裙欲下水着蹙指僵  
手皴皮吁嗟乎浴兒湯怕  
冷浣帚冷莫辭兒身寒煖娘  
慣識寒入娘身兒不知兒



不知母心慈浣罷烘手方抱兒還愁冷手侵兒肌 雜  
詩老夫閑甚嬾不管萬紛拏密霧天黏地凝霜草著花  
庭空殘卷擁窗破遠山遮一笑無人至呼兒夜煮茶 又  
把卷長凭几蒼然暝色凝山巔明海月樹隙漏村燈乞  
米書方急敲詩酒又仍東風騰戰馬鞍轡自憑陵 又長  
天雲瑟瑟動我故園心落葉消殘暑層雲送夕陰履聲  
沙石響樵影樹林深不道秋風早微涼起薄襟 又風雨  
耿耿晨依然一卷親鑿寒椒代酒伴寂月爲隣四海情  
方歇諸男氣不振斯飢胡至此愁殺白頭人 又身閑殘

仁壽縣志

卷十二

藝文志

三

卷迫事冗病軀支秋意隨花老蟲聲動月悲求人常索  
酒教子試哦詩我亦陶開徑瀟瀟雨晦思 又簷做燈光  
澹堂空曉色先殘星迎日影遠樹覆村煙借病兒逃課  
歸甯女宴眠最難沾酒去妻索杖頭錢 又故友呼招去  
闌珊獨自歸山腰雲逼暮霜脚雨輕飛病老逃酣酒行  
忙卸絮衣弄花看稚子曳杖倚柴扉 又掃帚代兒童偷  
閑尙課功壁畱殘墨黑窗帶夕陽紅有竹煙搖影無花  
樹耐風詩情和畫意都付雀聲中 九日詩惹得淵明  
笑口開蕭疎九日錦城堆黃花帶雨渾如泣莫是無人



送酒來 野望詩遠望斜陽半嶺紅林間小坐獨衰翁  
蕭然一樹扶疎葉欲落無聊自舞風 書堂詩書堂門  
靜不須關六七兒童互往還風送寒聲堵掃葉雲拖斜  
影日平山窮來酒債誰相貸老去詩多且待刪我比閒  
鷗閑更甚洒然無夢一枕間 散館次日詩獨坐無人  
雀噪空夕陽猶抱嶺西紅古書萬卷生涯誤老屋三間  
世澤窮借得米來甯客去拚將詩老那人逢庭花寂歷  
蟲淒切各抱愁懷訴醉翁 感懷詩四十外人病且多  
頽然老人在巖阿家無長物惟書籍口不能言卻詠歌  
仁壽縣志 卷十二 藝文志 三

蘭有素心寒雪下竹餘清節晚風過此身久作輕舟想  
一任茫茫大海波

陳文衡

陳文衡登山詩適興幾杯劉阮酒開懷兩卷漢唐詩塵  
心俗氣渾如脫雨後山巔獨坐時

辜炳恆

辜炳恆老馬行我有馬一匹老去瘦毛長飼之以芻豆  
強健而馴良伏櫪志千里斯征駕言行雖鞭不用策勝  
彼駑駘強吁嗟人亦老拊髀多慨慷



黃牟悔賦畧際朱夏之炎炎襲涼颺之弗弗坐高榭以  
徜徉解襟衫而披拂思往事之重訛增予懷之抱艱安  
冒昧而靡遷積顛蹶而未訖或知非而遂非亦交物而  
引物緣不審于樞機遂莫勝其湔祓若乃馬融漢家之  
儒元稹唐室之雋始秉節以當官繼改操而干進貪後  
福以庸庸棄前修之僅僅厭荃芷而佩茱萸懷砭砭而  
捐瑜瑾亦若二帝兮蒙塵三郎兮播越驅玉輦而驚蛾  
眉背神州而投窮髮即當聲裏神魂毡毳鄉中骸骨歎

仁壽縣志

卷十二

藝文志

詩

宰相之悞朕而哀詔頒憶曲江之知人而祭使發梧桐  
冷南內之秋蘆管淚胡天之月更若憇鞭轡於路旁值  
茅茨於道側念不到此矣重逢亦有今日耶相適蠻烟  
瘴雨兮傷懷述往談今兮失色爾其漢得淮陰之傑越  
用文種之奇信棄楚而楚滅種弊吳而吳危龍顏忌刻  
烏喙猜疑大將遭陰人之毒手功臣逐子胥之潮期亦  
有魯齋臨終柳州得罪就叔文之致顛危遜疊山而失  
主宰請戍播兮何濟差池命斂緇兮不先年載抑聞三  
黜何妨九死亦可薄常棣而讓產艱難解相印而著書



坎珂吁嗟乎錯六州兮難鑄失四馬兮莫追此何俟蹉  
跌之至然後深洗滌之思亦錯履而知敬庶敦復之不  
移念羊亡而補牢未晚毋甌墮而反顧何爲 修字庫  
碑記畧蓋自龜龍倣瑞蟲鳥騰文結繩而篆隸草真成  
編則經史子集千載憑乎竹素萬里擘以魚箋固當薇  
露開函芸香驅蠹倉庀文石几斲靈檀何有蹂碎金於  
泥塗委尺璧於爨室者哉然而龍威簡秘青雀能啣神  
仙字靈白魚解蝕瑣猥勞乎副墨僕隸省厥塗鴉則有  
鄉里善人膠庠韻士封之以石惜焉如金懷倉頡史籀

仁壽縣志

卷十二

藝文志

七

之功廣舊瘞佛藏之德聚彼點畫偏旁之迹拾乎方策  
縑楮之殘杖吹青藜反青華於東壁雲團綠字資解脫  
乎祝融此如良驥委形藏駮骨者珠匣真人跨鶴函仙  
蛻兮雲巖得非藝府之善緣而文字之福海也廼營地  
勢徧採貞珉趾圩之腋穴之以酌盈山枕焉溪帶焉以  
縹滕於是文峯拔起珠蓋高擎風雪不磨雲龍欲舞以  
章敬惜以作莊嚴火坑可就察脫於秦灰墨汁未乾如  
藏於孔壁斯則蚓結蛇縮之態乘燄登仙龍蹲鶴峙之  
標跨鼇齊壽息茲鬼哭畱乎人文者也 拾字小引畧



嗚呼池滿松烟瓮埋兔穎銅雀臺之片瓦餉之千金延  
松堂之一螺儕於拱璧甯謂文房秘玩不過揮灑之資  
學海琳琅無關點畫之重何以闌殘圖畫每什襲於瑤  
函零落烟雲恣委棄於塵莽褻神聖之迹輕河洛之珍  
於是柿葉紅飄芭蕉綠老浮泥沒勝碎錦壓肩雞毛筆  
所在能拈天行符隨處輒拾代陳筐篚之請彌昭倉史  
之功送綠字以歸真丹崖玉洞俾赤文而脫化石庫雲  
溪美大阮之芳行仍匏菴之梅使所冀涅唇學士極力  
獎成切莫練帛郎君當面錯過 鐘潭鍾馗碑記畧鬼

仁壽縣志

卷十二

藝文志

庚

不靈於有道之國妖或興於可憑之鄉不見頃廟威屈  
於梁公黎邱崇中於醉叟祀猫鬼而倒禍鞭太歲以爲  
祥夫豈媚者罹殃忤者集祐人事之有修明物情之頓  
熒惑信阮宸之無鬼何鄭僑之有歸夫其鍊銷支祁門  
司度索金蒙四目鼎鎮九州厭禳之方斯傳魍魅之逢  
或遠則有鯉灘之下桃塢之陰地曰鐘潭人稱鬼窟峯  
嵐回薄林莽蔽虧盛夏凝寒微陰欲夕水溶拖墨山氣  
生秋狐狸噪於幽巖鴟鴞喧於午谷緣其境界蕭瑟靈  
異依憑有物非蛇非龜令人疑鬼疑怪而又適丁要逕



未已戒心乃復羊橫塞路空懷叱石之仙輿過礙肩孰  
是平山之客時乎風生大壑草木皆兵葉落空山毛骨  
亦悚樵人宴出牧豎早歸往者蒼翳大開溪潭久靜籠  
照耀於丙夜漁歌雜於辰星梯傍岸而芟荆榛屋緣溪  
而聞雞犬夜叉胥遁故鬼無靈頃則喧怨魄於井端常  
聞飄飄迷孤客於道左恍睹多多莫謂無聲恍如有影  
甯訛傳而輕信致末俗之頻驚宜其石挺奇姿森然羅  
剎之狀松連偃蓋密若遊光之居者矣抑聞物怪之受  
壓有神人心之不懾者胆劾龍則付長房之札入山而

仁壽縣志

卷十二

藝文志

七

佩抱朴之符似探微畫獅而始靈非道元握管而何應  
惟昔明皇除瘧竟傳沈括之書鍾馗避邪不始李唐之  
代炳靈禁苑流像人間奕世而靈感如神羣邪之壓彈  
有赫遂乃伐石水滸坡陀俱平位像溪心觀瞻斯肅其  
爲狀也睥目蟠腹仗劍攝衣甚優人鞠乎鬼訟似山么  
踣於鏡光旣而方域長清惶惑果定鎮茲荒怪誓彼神  
姦亦聞事人未能非鬼爲諂室高明而或瞰門禍福以  
誰開方不善以同誅諒無爨而不作務義而遠作善且  
祥然後祭神如神爾室不其疚惡見怪不怪鬼國亦可



遨遊此則自在菩薩降伏一切無勞終南進士啖食諸  
魔者也 孟蘭會序畧孟蘭會之設也風俗則詳於夢  
華錄事實則記於陸放翁大抵秋至增悲粢盛用薦謂  
地官赦罪薦福以資冥途甯尊者有靈盛飯而窮餓鬼  
乃至會館相延道場孝思一堂同異姓慈孫順子血食  
累世新故鬼孤魄殤魂惡乎然於不然亡於禮者之禮  
於是朝昏更遞梵唄魚聲水陸熒煌河燈路燭足使羅  
刹國鬼瞻慧炬而證龍天尸陀林人聽法螺而超蓮域  
者矣可爲善事久仗同心乃有蘭盆庶品之陳香積伊

仁壽縣志

卷十二

藝文志

三

蒲之供年年托鉢夜夜然燈奈河橋造般若船地藏殿  
種菩提果拜百部梁皇之懺看一藏度人之經勿謂詆  
諧與村嫗村翁說法若逢冠冕亦事人事鬼因端云

武侯祠感舊序畧歲乙丑二月偕同人謁武鄉侯祠春  
光泥人林花散錦談笑忘歸庚午春客館寂寥儼然獨  
往則祠屋更新流丹凝碧視昔之草滿荒庭蛛幕廢檻  
大有間矣又漸老大事故之繁室家之累貧窮凍餓之  
憂欲昔盛遊豈易得哉柘園夫子脫然無累非試事不  
能偕來春日如秋篇詠所流感慨係之矣 酒樓感舊



序畧傾杯不復剪綵非真傷去者之日疎悵伊人兮宛  
在昔者尋芳錦里覽勝花溪袂接襟聯魚目鳥翼今者  
重來舊館未改主人再上江樓俄成孤客渺渺山陽笛  
裏茫茫黃公壩邊畱滯感輕廓落悲甚亦知生離死別  
無可奈何不當情束志拘過於自苦奈茶烟酒旆牽舊  
緒於筵前柳色江光觸新愁於檻外酒杯雖借塊壘難  
澆將宣寫乎鬱陶聊假托於筆墨劍沉而舟痕刻用誌  
當年鴻去而爪跡畱庶貽來哲云爾

鄭彬倫

仁壽縣志

卷十二

藝文志

七

鄭彬倫鑑銘皜乎其明濔乎其清鏡而一心惡乎塵生  
杖銘主之出奴之入往哉汝諧毋忘跬步 帶銘束  
爾身束爾心毋然殄氣而侵客感而攬壽考且甯 戶  
銘一闔一闢乾坤之門終身由之成性存存 牖銘天  
地之閉不通胡爲牖其衷而高其宮 劍銘鋒有芒刃  
有霜君子佩之昌小人佩之亡 愛書記晉陶淵明愛  
菊宋周茂叔愛蓮唐李白愛酒凡今之人愛錢吾獨愛  
書誰不愛書佛書老莊書或三代以下書吾愛何書曰  
孔孟書菊蓮一也酒錢一也等無益吾孔孟之書明善



復初可聖人賢人身心家國天下以之異端曲學無論  
矣讀聖賢書真正做到幾人宜乎錢神驅使之矣

陳韶  
翁

陳韶翁江口詩清曙大江天行舟去渺然波光搖草樹  
霧氣隱樓船山轉綠無定旭初紅倍鮮依依塵市近人  
語萬家煙 楊柳場金鳳岡畱酒詩野風吹茶蘩微雪  
飛林莽狹路多輕塵客心常悒悒快拂柳過平橋忽道駕  
言枉落日猶征衣暫憇中途鞅連袂造其廬軒然宇以  
廣北牖煮茶香西齋弄琴響堆盤魚正肥入饌韭新長

仁壽縣志

卷十二

藝文志

七

隔舍呼高朋歡言相讌享感子故多情倒樽行三兩雖  
非曲水娛蘭亭於焉賞聚散會有時興來高且爽悠悠  
明月心落落浮雲想 環連溪遊興詩層阿鬱且盤巖

谷隱芳洲一溪抱迴渚雙橋通曲流細草漾微波日暖  
風正柔低頭照我影澄空心悠悠長河奔濁浪輸此清  
且幽八荒同淵然聊以樂吾遊 宿菴山夏晴樓書舍

詩茅屋蕭騷欹石巖幽花茂草忘鋤芟直倚竹林穿曲  
徑懼然倒履笑阿咸炎蒸暑鬱天大熱脫帽揮汗收微  
露紅梨滿樹壓簷角時引涼颺吹葛衫隔樹遠村烟裊



裊棲巢歸燕語喃喃西嶺紅日漸欲沒銅鈺倒挂沉瑤  
函清夜滿池散星影萬顆明珠水底攬傾情却似山陰  
客雪中訪戴揚輕帆張筵進酒歡今夕何須肉食窮酸  
鹹披襟搖肩且爲樂謔浪疇能口獨緘醉倚石欄尋花  
影拍肩大笑執子摻四顧無人萬物寂疑遊雲漢非塵  
凡寓形宇內宜開拓狂態憑人笑且讒誰憐慷慨少陵  
子我生托命歌長櫬 觀稼雨詩行行向山路時稼正  
芳菲陽原菽以茂陰坂梁 肥所惜中田涸莠滋稻田  
腓老農向我語膏降頗些微五月禾且穉何當羲輪威

仁壽縣志

卷十二

藝文

全

及春固已種有秋安可希念彼愀然步涼飈還吹衣沛  
然滂沱下傾瀉如煙飛不愁我屋漏士女良斯飢彼蒼  
不可忘望澤以無違林鳩猶未歇啾啾戀晴暉 月下  
讀書詩碧海漾初月萬里遙相望影高色以淡輪小光  
初長把書聊與娛笑讀花枝旁懷古興不淺望月還獨  
傷素娥昔長好古人今已亡嗟我復何爲言尋搗藥方  
祠祭會食詩入廟瞻榱桷雍雍聚義門派承虞帝遠  
封紹武王尊六合衣冠散千秋俎豆繁陵陽垂奕葉穎  
水接靈根峯抹紅連淡溪滌碧玉渾先瑩蟠老樹古屋



鬱團墩洞屬雙楹奠連延百丈垣花龕金鳳絢石礎錦  
熊蟠遠近欣雲集春秋凜駿奔馨芬盈酒脯齋邀潔蘋  
蔡木王嚴昭穆雲初序子孫依稀聞笑語休惕斂心魂  
合族筵鋪席深堂酒列樽雁行明退讓鳩杖敘寒溫楚  
洛瓜連蒂彭眉竹鎖園簪纓羅世第贊化徧黎元火爍  
明時劫蜂攢蜀土屯野狼張斧鉞良玉失崑崙日麗天  
初廓鶯遷樹尙喧寥寥開稼穡稍稍散雞豚孝弟原相  
習詩書夙所敦食無貪犬吠頌有慶雲論並轡驂駟駿  
高翔鸞鶯蹲聚奎天相實懸楊客親蕃燕喜追前烈鵬  
仁壽縣志 卷十二 藝文志 全

搏愧後昆大原窺邃窅小菽琢璵璠泮藻頻依壁孟蘭  
未贈盆子房籌孰借景畧蝨空捫落拓機雲屋沉冥軾  
轍村壘車悲伏驥畫省悵棲鷓桑梓瞻依近粉榆手口  
存循牆還負笈仁水更尋源碧瓦連旁舍疎簾映小軒  
芝蘭紛蔚薈桃李互翩翻作賦傾揚馬聞雞奮述琨一  
生忠孝業幾輩士儒藩囊澈螢流焰圭融玷滅痕風霜  
懷舊德雨露仗天恩銀闕雙扉豁朱衣兩袖騫致身應  
有日展誥薦芳蓀 晚登後山望江漲詩連峯晴霽微  
靄消半雜青黃霜葉彫遠憑西壑望東橋波平浪濶風



蕭蕭芳草夾岸濁泥漂朗如赤電劃青霄溪南溪北滙  
羣潮雷鳴鯨吼鼉鼉驕遊子躑躅道塗遙浮梁欲涉水  
沒腰幾回野渡喚輕橈始投荒店宿寒宵何人舉網白  
魚跳沽酒笑指青帘招小艇微茫燈火搖河邊旋折蘆  
荻燒久淹孤館殊寂寥風波幸未隨萍飄漁父可以坐  
相邀對此亦覺心神超 梁間新燕頻來復去詩草堂  
新闢春風座日與朋儕欽唱和適來雙燕殊多情窺簾  
入戶如相賀一日二日集堂均飛去飛來青竹梢繞梁  
呼伴呢喃語似云我屋堪營巢嗟君久向天涯度彫甍

仁壽縣志

卷十二

藝文志

全

畫閣迷烟霧燈暈酒闌夜未央歌殘舞罷春將暮閱盡  
滄桑到處家年年歲歲到處奢烏衣巷裏埋荒草金谷  
園中泣落花舊傍朱門空繚繞忽尋白屋忘昏曉茅亭  
過雨正新晴芹泥滑澁遊絲裊方期相對戀餘春躑躅  
翻難作主人未必此間缺飲啄可憐何處隨風塵衡門  
我亦棲遲客偶然爲爾動心魄芳樹流鶯自可聽遍囀  
東郊復南陌 秋感詩連日苦陰霾白雲吐晴霽微霜  
被遠林羣壑矗高髻芳春曾幾何感此日月逝空谷自  
清芬天寒倚叢桂 又灌木元蟬吟空潭錦鱗躍孤鶴寒



不飛非關毛羽弱天宇何迢迢微月鑑虛幕安得隨赤  
松避穀修靈藥又朝弄柯亭笛暮撫焦尾琴樽中况有  
酒胡弗酌且斟泰山不自高滄海不自深一醉勿復道  
長嘯忘古今又徙倚簾櫳靜月傍桐陰轉香蘭葉復葉  
隨風自舒卷萬事何所苦寸心聊自勉開緘對古人笑  
覲爐煙篆 家居閒咏詩曉日隨人起秋風促我歸紅  
粟復充廩素絲已鳴機辛苦爲身家所計殊亦微催耕  
不須啼日暮可療饑促織不須怨天寒幸有衣官稅既  
早輸以外何是非嗤嗤談王事恐遭達士譏又牆陰有

仁壽縣志

卷十二

藝文志

古

隙地種桑不種麻八月桑枝上蔓延藤自花低綴蛾眉  
豆高懸虎掌瓜既堪蔽園舍兼得蔭日華肉食者誰子  
炙手豪貴家脂膏任取給燔炮窮紛奢萬錢營一飽下  
箸猶咨嗟誰知秋土味菜根沁齒牙又東上日初晴西  
沉天復暗時序苦相催百年一頃暫庭前芳樹枝霜濃  
色已紺佳人掩空閨遲暮起長嘆團扇製齊紈願寄同  
心玩涼颺動羅襦夢魂吹欲散悠悠望牛女耿耿界河  
漢飛鴻正高翔行連不忍斷又寒鴉憇古木日夕登後  
山晴空撲眉宇遠近窮追攀西南多村落隱映修竹壩



牛羊帶殘照雞犬散柴關平岡北面起我屋住其間田  
園低翠巘邈若隔塵寰流水盈溪止浮雲入谷開高臥  
有邱壑佇立一開顏又去去適山館依依隔田廬山館  
幽且寂未異田廬居高堂有白髮追隨愧桑榆老人幸  
勿念憫我幼子愚兄二弟且三色養豈云疎有懷感明  
發本性胡忍踰天有連軫宿地有同根株別離猶咫尺  
努力勉爲儒

金伯  
綸

金伯綸山居詩少年在市廛頗恥刀錐爭不謂習遊俠

仁壽縣志

卷十二

藝文志

全五

難保囊不傾蹭蹬二十年落落竟何營今又鳳岡徙田  
廬粗以成阿母曰孤陋山妻曰飄零收拾鋤耒具經史  
架縱橫不見陶淵明還讀亦旣耕一官歸去來猶爲聖  
人氓 歸家詩旅行久別家桑麻忽以長老母倚門前  
兒童喜拍掌犬不識主人驚倒客駕枉一笑江口還臥  
尙舟搖盪 詠史詩丈夫貴自立猛著祖逃鞭不向虎  
穴遊定遠疇爲班不有淮陰笑一軍誰驚韓泛楫可窮  
海鍊石可補天安得鬚眉子悠悠靡所愆

夏  
簡



夏簡咏阿瞞詩君於世事欲如何播弄機關不畏呵一  
手試思能有幾爭能遮得目多多 過楓江莊詩翠蘿  
幽拂徑喬木靜當關雨過孫添竹峯迴女露鬟開門臨  
綠水飲酒對青山長愛烟霞老無妨鶴夢閒 又隱隱青  
山下遊心太古初溪陰多種樹室小足藏書雞黍閒供  
客雲烟自隱居桃源欣得路我是武陵漁 過丹景山  
詩岌嶮新丹景蒼茫向北征雪花團雨意風力帶秋聲  
泉急如催暝雲橫不放晴回頭山下路烟水萬重明  
城東散步詩散步蓉城東更東銷魂時拂美人風世無

仁壽縣志

卷十二

藝文志

六

小李將軍筆爭寫江樓兩岸紅 自瀘還玉輝川詩大  
山中斷放江流石關當心力拒舟記得玉輝川下路水  
聲松影澹清秋 又松嵐倒瀉影峻嶒宮觀雲中望不勝  
狎塵馴龍崖畔卧洞天現有古時僧 古原偶得詩願  
力苦無濟驅牛登古原白雲依木石紅葉冷邛樊秋杪  
雨聲寂日斜人語喧西風激清嘯如聽峽中猿 秋興  
詩微雲微雨夕不暖不寒天待月燈重剪懷人客未眠  
馥聞叢桂烈吟愛候蟲圓劍外秋偏早飄零感歲年  
道上詩烏渡寒塘外人行落日間田家脩種竹佛寺澹



依山狎野□牛急臨流釣客閑  
橙林橋畔憇石瀨正潺  
湲 聖人壩詩西風蕭瑟雁聲悲  
天宇蒼茫暮色垂  
冒雨人耕唐廢縣捫蘿客訪蜀遺碑  
寺藏落木鐘聲寂牛  
卧寒原草影衰城郭已非成  
代謝誰應化鶴下林陂 又  
聖人何壩影蒼然秋雨牽風濕  
綠川西畔暝鐘山麓寺  
北邙衰草墓門煙牛耕殘郭穿  
修竹官道荒榛羅石田  
弔古莫談天寶事貴平縣廢已  
千年 貴平寺夏興詩  
峩峩高閣鎖烟霞消受清涼是  
佛家脩竹翠迷屏背影  
古槐黃落寺門花溪聲過雨喧  
林畔山色逢晴愛日斜

仁壽縣志

卷十二

藝文志

七

最好雲關鐘磬寂一蟬風定語方  
譁 卽目詩暮色蒼  
然至橫溪一鷺還白波烟外水紅  
葉雨中山野寺沉疎  
磬寒雲守故關田翁如索句扶杖  
倚林壩 綠川暮秋  
詩落照淡平埜虛堂生晚風雁來  
霜信後秋老雨聲中  
縣廢川猶綠烟消樹間紅山門閒  
指點暮色到橋東  
山行詩嶺半有行客回風吹鬢邊  
樹斜猶抱石山冷不  
生烟落葉遮前路頑雲如曉天時  
逢樵採者偶語翠微  
巔 晚眺詩綠川秋欲老眺晚上  
河梁水落平沙白磯  
高積葦黃野花明曲磴乾鵲噪殘  
陽屑屑往來客應憐



蜀道長 重到淨林寺詩重來惟有社空存舊雨寥寥  
欲斷魂偶凭高軒猶動興青山無恙立當門 坐看木  
魚山詩千崖落木影重重又聽山僧打晚鐘一樣倚寒  
高格調舊曾相識對門峯 淨林寺夜詩白蓮社罷晚  
霜凝落葉聲中一點燈身世自憐成底事廿年蕭寺有  
毛僧 山齋坐雨詩白日遊天外青山立雨中苔深都  
作字竹弱不搖風訪舊空來客占晴沒斷虹濁醪閑命  
酌檐霑任丁東 遣興詩著意孤吟答歲華老栖僧寺  
便爲家秋生竹榻烏啼月雨過松窗蝶覓花客至每求  
仁壽縣志 卷十二 藝文志 六

詹尹卜烟深閑煮趙州茶白雲一角如修謁隱几相看  
到日斜 獨夜詩丈夫福命薄老大不公卿漂墮窮山  
中縮朒幾半生猶復手一編對此清夜清何年老蝙蝠  
虛堂飛且鳴唧唧復嘖嘖竊聽疑山精興至頓起舞林  
月照前楹流螢火煜爚溪風聞嘯聲 晚山詩繞社森  
紅樹當門泛白波谷回芳草歇秋杪夕陽多晒網漁炊  
動呼風雁陣過巴歌聽不已驅犢下前坡 冬日晚眺  
詩山冷炊烟直西崖又夕暉雲寒埋古寺木落積沉磯  
倦鳥喧爭宿遊人暮競歸村墟凝望久燈火出林扉



傍晚卽景詩伏雨初晴落照斜林巒倒影入田家山人  
何在紅埃外獨倚歸雲看晚霞 飲霞山房春興詩剝  
啄無人亦太閑東風吹醒古苔斑將雛小鳥爭巢樹忍  
凍頑雲不出山佛坐靜陪僧入定鐘聲徐歇月當關飲  
霞寄興仍孤夜且檢詩鈔手自刪 雨餘詩雨餘庭幕  
尙凝寒烏帽青鞋獨倚欄烏有微言吟未已花畱一笑  
景初闌青山十笏含情立碧草重茵接日歡盼到晚霞  
紅不了竟忘零落在江干 閒院詩雨深閒院長蒼苔  
漠漠秋陰罩水隈 山色曉隨關樹迥雁聲高拂棧雲來

仁壽縣志

卷十二

藝文志

完

蕉含餘豔移時發菊認重陽特地開賺得閑愁無處著  
招人同覆小窻杯 秋晴詩一夜西風怒有聲掃除陰  
雨放天晴烏歡殘樹驚朋好人語高原率婦耕竹影繞  
屏空院冷蘆花搖雪小溪清名場宦海知何似且看青  
山樂此生 秋晴詩遠渚沉秋潦長空湛日華風明蟬  
唱柳院午蝶尋花斃古苔痕瘦僧歸笠影斜白雲看不  
定一犬吠山家 道上詩野風吹滿樹秋入沈寥天繞  
徑寒花瘦低空落日圓鋤犁携健婦井里上孤烟白叟  
方閑步當門聽暮蟬 飲歸詩菽菽蘆花白荒荒天宇



昏山斜寒露石竹聳遠藏村淺水魚兒戲高原犢子蹲  
相逢荷鋤者小憇話桑根 道上詩北風吹不歇搖落  
滿鄉關冬水平於岸寒林兀若山坂斜衰草白天迥夕  
陽殷小立看羣鷺穿雲何處還 院夕詩山夜雨聲歇  
古苔涼有痕西風疎入樹北曜燦當門故硯貧相守孤  
燈黯自存何時逢舊侶懷抱與俱論 向曉詩向曉溪  
添漲占晴鵲噪關薄涼雲外寺新沐雨餘山筆墨疎如  
故林塘思獨閑灑然無箇事鎮日破扉關 山居詩朝  
來雨初歇山館落花重樹泛淺深碧雲生高下峯蟬吟

仁壽縣志

卷十二

藝文志

七

顛似客溪籟靜於松照眼火龍熱甯蟠冰雪胸 秋夜  
詩天外雁聲响客中秋夜長居閒思舊雨菊冷待重陽  
草閣秋吟苦山燈露下涼蕭然身世想爭似要人忙  
人日詩春風無限思靜對蜀天長凱奏遲南國花開喜  
故鄉年光新破臘人事舊登場向曉題詩客憑誰寄草  
堂 卽事詩自非金與石誰可抗炎威人貌先秋瘦山  
容入夏肥蜀天同屋漏梁燕挈雛歸獨愛雲峯好嶽峯  
對夕暉 曉詩曉來梅雨濕山寺落花深敗壁生雲氣  
空堂藹樹陰僧閑求藥種烏適倚風吟讀史消長夏蕭



然鶴在林

劉敬修

劉敬修劉氏世系序略考諸家譜冊萬姓統譜吾族系自高辛嗣服陶唐作賓虞世越御龍氏胙土於劉受姓之源實肇於此據班彪論徵士句言則在諸家洵爲實錄周秦而降齊梁以前歷數之膺代興間出演銀潢於三漢合玉胄而五朝螭螭振振通古今一大姓無端元海冒襲瓜綿乃僅再傳俄焉族滅足驗神明支本不易閻干非若呂可承羸牛得附馬淵源派衍顧不重歟猶

仁壽縣志

卷十二

藝文志

卒一

有進焉婁敬從龍榮叨賜姓洎乎典午遂復爲婁君恩逮於當時祖系綿之百世卽至沙陀崛起亦號興王讖應金刀居然劉氏脫卽引爲神堯之裔殆不其然焉與女蘿施於松柏要惟施耳卽松柏乎究稽族望郡著彭城劉氏雲初幾徧天下獨彭城何哉西漢興由豐沛南宋起自徐邳豐沛徐邳皆彭城也高辛而後此又大宗爲帝王族子姓蕃昌旣碁布以星羅遂優龍而劣虎人文代衍弗替家聲列史斌璘橫編可覆自熙朝溯炎漢道學勲名迄於詞翰蜚聲清高樹節處爲齊家孝友出



而抗志風雲既服先疇當思舊德若夫昭穆世代土著  
鶯遷支分派別均宜徐覈遠示後來俾知堂構之艱永  
抱松楸之慕箕裘互紹世譜所急無如劫釀紅羊江飛  
白雁元黃龍戰家乘飄零父老無傳鴻泥失考自彭城  
而楚北而西川半墮荒烟差存斷簡屆明洪武定鼎四  
年追我先人邁征一檄跋涉則三千里詒謀則五百年  
幸有明徵敢臚世代恭於鼻祖下啓公載筆後書凡屬  
後昆覽是競奮副劉之姓光祖之垂尙慎旃哉謹序

劉天祿

仁壽縣志

卷十二

藝文志

十一

劉天祿謝安殷浩論從古人品之優劣一斷之於姿與  
學而已昔謝安殷浩之在晉也稱安者曰斯人不出如  
蒼生何稱浩者曰江左安危視斯人去就當斯時也安  
固國士浩亦名流爲優爲劣其孰從而辨之乃出處殊  
途高卑異致安則著太傅之猷而偏安無恙浩則乏司  
空之器而簠簋懷慚安則抗苻堅之師而奏捷淝水浩  
則懼桓溫之勢而貽誚空函推之休休坐鎮安之氣折  
跋扈而有餘咄咄書空浩之心幾狂惑而無主當其處  
也共得天下之名而無所高下及其出也遂有成敗之



異而不無低昂於是論安與浩者遂謂處則從同出則從異而兩人之優劣當辨之於出處之間君子曰此不足以論安與浩之優劣也人有出而有爲而處無所得者乎曰無有也又有出無所爲而處有所得者乎曰無有也有不有何足深論特患據此以優劣人品謂其處也幸而學問同其出也不幸而功名異將視行藏爲二致體用不一源而古大臣處則醇儒出則良相之規模幾遊移不可以爲據此必不然之說也故夫謝太傅之平苻堅抑桓溫吾不決之秦師東下司馬入朝之時而

仁壽縣志

卷十二

藝文志

三

決之東山嘯歌之曰殷深源之或書空或空函吾亦不決之倉皇失次顛倒無狀之時而決之江沱標榜之曰也蓋安之優在天懷之鎮定浩之劣在意氣之優柔故優則出處皆優劣則出處皆劣也獨是浩固不足論也安亦鎮靜而已矣不然當晉之季亦宏濟艱難之日也山水之間豈真足以致太平哉 寇準論當大任而不驚處大變而不惑非可取辦於一朝一夕也必素有明鍊之才而又濟之以深沉之度然後可以勝任愉快而無難寇萊公以老成碩德相真宗皇帝於天禧之間器



宇宏深天才亮拔一時仰望丰采者咸頌其有宰衡之  
度謂大宋萬世太平之福將於公一人屬之矣獨惜與  
丁謂同朝拂鬚成隙又不幸真宗有疾劉后持權謂得  
以行其小人之術而使公之功名不終焉當是時也不  
知公者重相詬病謂公昧於進退之義而暗於行止之  
機卽知之者亦祇謂其請禪太子也能識天下之根本  
其不報丁謂也能爲有容之大度其屢遭遷謫而卒無  
怨悔也能泊然於名與利之間嗟乎此烏足以知公之  
大哉澶淵之役契丹大舉天下震驚一時將帥諸臣或

仁壽縣志

卷十二

藝文志

四

議和或議退或議幸蜀或議幸吳眾論紛紛罔知大計  
公獨屏諸將之謀出獨是之見毅然勸真宗皇帝進駕  
澶淵以鼓天下義勇之心而奪契丹桀驁之氣卒之敵  
人北遁大難創夷國家百數十年得恃之以無恐君子  
於此竊嘆契丹之來也其心爲何如哉蓋亦如後世金  
人之心始則欲我割地請和繼則欲我啣璧歸命而非  
徒以爭邊陲之細角勝負之數而已也倘非公力爭之  
而摧敗之則金人之變未興契丹之害已烈而宋室凌  
夷之禍不必在徽欽之代而早已在真宗之朝矣嗚呼



公以一人之力抗數十萬之師以一時之謀造數百年之福非所謂當大任而不驚處大變而不惑而明鍊深沉之素裕者哉或謂公才有餘而智量不足其生平事業之累皆以剛直太過短於知人失之似亦論公之當者也然君子論其大純不必苛其小疵以公之忠烈貫當時才華超千古固有宋一代之賢臣而巍然三代之良佐也而謂可以輕議乎哉

仁壽縣志

卷十一

藝文志

五